

ՆԱԽԱԳԱՀ ԱՍՍՏ ԵՒ ԱՊՏՈՒԼԱԶԵԱՆ ՀԱՆԴԻՊՈՒՄ ՈՒՆԵՅԱՆ

Սուրիոյ Նախագահ Պաշար ալ-Ասատ ընդունեց Իրանի արտաքին գործոց նախարար Զուլեյխա Էսփիր Ապտուլլահեանը եւ անոր ընկերակցող պատուիրակուհիները:

Հանդիպումին ընթացքին նախագահ Ասատ շեշտեց, որ Իսրայելի Կազայի քաղաքացիներուն դէմ իրագործած աննախընթաց վայրագութիւնը կը փաստէ ռազմական նպատակներու իր ձախողութիւնը:

Նախագահը ակեցնելով ըսաւ, որ Իսրայելի նպատակն է Կազայի ժողովուրդը պարտութեան մատնել, որպէսզի անոր միջոցով Պաղեստինի Ազգային Դիմադրութիւնը եւս պարտուի, սակայն այս նպատակը չ'իրականանար:

Նախագահն ու Ապտուլլահեան խորհրդակցեցան Պաղեստինի ժողովուրդին միջազգային աջակցութիւն տրամադրելու միջոցներուն շուրջ, ինչպէս նաեւ Սուրիոյ եւ Իրանի յարաբերութեան զարգացման եւ ծրագիրներու համակարգման շարունակականութեան շուրջ:

Իր կարգին Ապտուլլահեան յայտնեց, որ Իսրայելի ներքին ճակատը տագնապային եւ վատ վիճակ կը պարզէ՝ Պաղեստինեան Դիմադրութեան պայքարին հետեւանքով:

ՃԱԿԱԿՅԱՎԱՆ ԱՅՅԵԼՈՒԹԻՒՆ ՀԱԼԵՊԻ ՄԵՋ ԻՐԱՆԻ ԻՍԼԱՄԱԿԱՆ ՀԱՆՐԱՊԵՏՈՒԹԵԱՆ ՎԵՍՏԻՐ ՀԻՊԱՏՈՒՆ

Բերիոյ Հայոց Թեմի Բարեջան Առաջնորդ Գերշ. Ս. Մակար Սրբ. Արք. Ազգարեան, անցնող օրերուն, ցաւակցական այցելութիւն տուաւ Հալէպի մէջ Իրանի Իսլամական Հանրապետութեան գլխաւոր հիւպատոս Նաւապ Նուրիին՝ Դամասկոսի մէջ տեղի ունեցած անմարդկային ռմբակոծումի նահատակներուն համար վշտակցութիւն եւ ցաւակցութիւն յայտնելու:

Սրբազան Զօր կ'ընկերակցէին Սուրիոյ Խորհրդարանի Երեսփոխան եւ Ազգ. Վարչութեան ատենապետ Ժիրայր Ռէիսեան եւ Ազգային Վարչութեան անդամ Արմէն Գասպարեան:

Սրբազան Հայրը հայ համայնքին անունով ցաւակցական խօսք ուղղեց հիւպատոսին եւ զոհուածներու ընտանիքներուն, եւ շուտափոյթ ապաքինում մաղթեց վիրաւորներուն:

Հիւպատոսը շնորհակալութիւն յայտնեց այցելութեան համար:

ԻՖԹԱՐԻ ՀՐԱԷՐ ՀԱԼԵՊԻ ԼՐԱՏՈՒԱՄԻՋՈՅՆԵՐՈՒ ՆԵՐԿԱՅԱՅՈՒՅԻՉՆԵՐՈՒՆ

Զորքեշաբթի, 3 Ապրիլ 2024-ին, երեկոյեան ժամը 7:00-ին, Բերիոյ Հայոց Թեմի Բարեջան Առաջնորդ Գերշ. Ս. Մակար Սրբ. Արք. Ազգարեան, իսլամական «Ռամատան» օրինեալ ամսուան առիթով, Հալէպի բոլոր լրատուամիջոցներու ներկայացուցիչները հրաւիրեց «Իֆթար»-ի, Ա. Մանուկեան ժ. Տան «Նիւ Սպիտակ» ճաշարանէն ներս, առ ի գնահատանք անոնց տարած



լրատուական ու լրիական առաքելութեան, յատկապէս տիրող ներկայ պայմաններուն մէջ:

Սրբազան հայրը բարի գալուստ մաղթեց ներկաներուն եւ իր ուրախութիւնը յայտնեց քառասնօրեայ պահեցողութեան եւ Ս. Յարութեան տօնին ու Ռամատանին նոյն ժամանակաշրջանին զուգահիշելուն առիթով: Այլ խօսքով, Սուրիոյ ժողովուրդին բոլոր բաղադրիչները իրենց աղօթքով

Շար. 12 >

ԲԵՐԻՈՅ ՀԱՅՈՅ ԹԵՄԻ «ՇԱՌԱՅՈՒԹԵԱՆ ԲԱՐՉԱՐԱԳՈՅՆ ԸՔԱՆԵԱՆ»-ՈՎ ՊԱՐԳԵԽՏՐՈՒԵՅԱԼ ՀՀ ՄԱՐԴԱՍԻՐԱԿԱՆ ԱՌԱՔԵԼՈՒԹԵԱՆ ԽՈՒՄԻ ԴԵԿԱՎԱՐ ՎԵՂՊԵՏ ԱՐԿԱՏԻ ՏՕՆՈՅԵԱՆ

Հինգշաբթի, 4 Ապրիլ 2024-ի երեկոյեան, Բերիոյ Հայոց Թեմի Բարեջան Առաջնորդ Գերշ. Ս. Մակար Սրբ. Արք. Ազգարեանի եւ ազգային իշխանութեան հրաւերով, ՀՀ Մարդասիրական Առաքելութեան խումբի ղեկավար զեղապետ Արկատի Տօնոյեանի ողջերթը տեղի ունեցաւ, Ազգ. Առաջնորդարանի դահլիճէն ներս:



Երեկոյին ներկայ գտնուեցան ՀՀ Հալէպի գլխաւոր հիւպատոս մեծարգոյ Բաբգէն Պատալեան, ՀՀ Հալէպի գլխաւոր հիւպատոսութեան խորհրդական Դաւիթ Թադեւսեան, ՀՀ Մարդասիրական Առաքելութեան 14-րդ խումբի հրամանատար Դաւիթ Յարութիւնեանն ու իր տեղակալը եւ Մարդասիրական Առաքելութեան խումբի զինուորներ, հոգեշնորհ հայր սուրբեր, Ազգ. Երեսփոխանական Ժողովի դիւանը, Սուրիոյ Խորհրդարանի Երեսփոխան եւ Ազգ. Վարչութեան ատենապետ Ժիրայր Ռէիսեան, Ազգային Վարչութեան եւ Կրօնական Ժողովներու անդամներ, Յարաբերական յանձնախումբի ներկայացուցիչ Վրէժ Եագուպեան եւ անդամներ, ՀՍԸՄ-ի եւ ՀՕՄ-ի կեդրոնական վարչութեան անդամներ, Համագայիկի, ՀՍԸՄ-ի եւ ՍՕ Խաչի Շրջ. վարչութիւններու ատենապետներ, ՍՕ Խաչի Ազգ. Պատասպարանի յանձնախումբի ատենապետը եւ ընկերաբժշկական կեդրոնի տնօրէնուհին, ինչպէս նաեւ Ազգ. Առաջնորդարանի դիւանապետը:

Սուրիոյ Խորհրդարանի Երեսփոխան եւ Ազգ. Վարչութեան ատենապետ Ժիրայր Ռէիսեան բարի գալուստ մաղթեց ներկաներուն, յայտնելով, որ Սուրիոյ պատերազմի դառն օրերուն սուրիահայերս ապրեցանք

Շար. 12 >

ԱՌԱՔԵՐՈՅ ՀԱՅ ՀԱՄԱՅՆԵՐԻ ՊԱՏՈՒՐԱԿՈՒԹԻՒՆԸ ԸՆՈՐՀԱԽՐԱԿԱՆ ԱՅՅԵԼՈՒԹԻՒՆ ՏՈՒՄ ԲԵՐԻՈՅ ՀԱՅՈՅ ԹԵՄԻ ԱՌԱՋՆՈՐԴԻՆ՝ ԱՐԲՈՒԹԵԱՆ ՏԻՏՂՈՍ ՍՏԱՆԱԼՈՒՆ ԱՌԻԹՈՎ

Շաբաթ, 6 Ապրիլ 2024-ի առաւօտուն, Լաթաքիոյ հայ համայնքը ներկայացնող մեծաթիւ պատուիրակութիւն մը, գլխաւորութեամբ՝ Լաթաքիոյ եւ ծովափնեայ շրջանի հոգեւոր հովիւ Արթ. Ս. Վազգէն Ա. քնյ. Բեռշկերեանին, Ազգ. Առաջնորդարանէն ներս շնորհաւորական այցելութիւն տուաւ



Բերիոյ Հայոց Թեմի Բարեջան Առաջնորդ Գերշ. Տէր Մակար Սրբ. Արք. Ազգարեանին, Մեծի Տանն Կիլիկիոյ Կաթողիկոս ՆՍՕՏՏ Արամ Ա. Վեհափառ Հայրապետին տնօրինումով Արքութեան տիտղոս ստանալուն ուրախ առիթով:

Լաթաքիոյ հայ համայնքի պատուիրակութեան մաս կը կազմէին Լաթաքիոյ եւ ծովափնեայ շրջանի հոգեւոր հովիւը եւ երեցկիւնը, Ազգային Երեսփոխանական Ժողովի անդամ Ալեքսի Կարապուշեան, Յարաբերական յանձնախումբի անդամներ, Ս. Աստուածածին եկեղեցւոյ Թաղական Խորհուրդի ատենապետը, անդամներ եւ քարտուղարներ, եկեղեցւոյ Տիկնանց յանձնախումբի ատենապետը, դպրաց դասի անդամը, Կիրակնօրեայ Դպրոցի ուսուցչուհին, Ազգ. Սրբոց Նահատակաց Վարժարանի տնօրէնուհին եւ հոգաբարձութեան ատենապետն ու անդամը, ՍՕ Խաչի «Շուշի» մասնաճիւղի, ՀՍԸՄ-ի Լաթաքիոյ մասնաճիւղի, Համագայիկի «Վահան Նաւասարդեան» մասնաճիւղի վարչութիւններու ներկայացուցիչներ, ՍԵՄ-ի «Կայծակ» մասնաճիւղի վարչութեան ներկայացուցիչը, ՍՊՄ «Ար

Շար. 12 >

Տեղական Լրագրող

Խմբագրական

Ժողովրդավարութիւն ԱՌԱՏՑ Ժողովուրդի

Հայաստանի մէջ վերջերս յաճախ կը խօսուի ժողովրդավարութեան կիրարկման նուաճումներուն մասին, նոյնիսկ միջազգային հարթակներու վրայ Հայաստանի վարչապետը կը հաստատէ, որ երկիրը նուաճած է ժողովրդավարութեան նկատառելի մակարդակ մը եւ կը պատրաստուի համարկուիլ Եւրոպական Միութեան ժողովրդավարական համակարգին:

Միւս կողմէ սակայն Հայաստանի Հանրապետութենէն հողեր յանձնելու իշխանութիւններու պատրաստակամութիւնը – առանց նկատի առնելու ժողովուրդին պատմական իր հողին կառչած մնալու վճռականութիւնը եւ յանձնումի քաղաքականութեան մերժումը – կը շարունակէ: Հայոց պատմութեան դասագիրքերու ճակատագրական փոփոխութիւնը, որ հարցականի տակ կը դնէ մեր պատմութիւնը, մեր աշխարհագրութիւնը – առանց այս ոլորտի մասնագետներու 2024-ի տոկոսին հետ քննարկումներ վարելու – կը զայրացնէ: Մշակութային կեդրոններու փակուիլը – առանց արուեստի ու մշակոյթի մէջ պատմութիւն կերտած արուեստագետներու կարծիքը լսելու – կ'ընդվզեցնէ, այնպէս ինչպէս Արցախը Ատրպէյճանի մաս յայտարարելու վարչապետին որոշումը արհամարհած ու ընդվզեցուցած էր Արցախի բնիկ ժողովուրդն ու բռնի տեղահանման ճամբայ հարթելով արցախցիին իրաւունքները ոչ միայն ոտնահարած, այլեւ հետագային վերականգնելու ուղիներն անգամ փակած էր:

Տակաւին սահմանազատման եւ սահմանազծման հարցով, արեւմտեան երկիրներու տարածաշրջանի հանդէպ վարած քաղաքականութեան վստահելով, ընդդիմութեան ու ժողովուրդին պարզած տագնապները աչքաթող ընելով ու ներքին միասնութեան ամուր պատնէշի ստեղծման կարեւորութիւն չտալով, իշխանութիւնները կը հաստատեն, թէ իրենց վարած քաղաքականութիւնն է միակ երաշխիքը երկրի տարածքային ամբողջականութիւնը պահպանելու ու յարձակողապաշտ դրացի երկիրներու ախորժակներուն վերջ տալու: Տայ Աստուած այդպէս ըլլայ, բայց անցնող տարիներու կարգ մը երկիրներու պարզած վիճակը այս լաւատեսութիւնը կը հաստատուէ...

9 Ապրիլին, Ազգային Ժողովի մէջ ընդդիմութեան առաջարկով հրաւիրուած սահմանազատման եւ սահմանազծման օրակարգի քննարկման նիստին, որ սովորաբար իշխանութեան հրաւերով կրնար իրականանալ ժողովրդավար երկրի մը մէջ, ՀՀ Բիւրոյի քաղաքական ներկայացուցիչ, Ազգային Ժողովի «Հայաստան» խմբակցութեան պատգամաւոր Արմէն Ռուստամեան ելոյթ ունենալով կը շեշտէր.

«Այսպիսի գործընթացի մէջ մտնելով հայկական կողմը փաստօրէն պատրաստակամութիւն կը յայտնէ սահմանազատում եւ սահմանազծում իրականացնելու Ատրպէյճանի կողմէ ուժի սպառնալիքներու կիրառման պայմաններուն մէջ: Իսկ նման պարագայի, եթէ այդ սպառնալիքները վերածուին գործի, մեզ այլեւս ոչ ոք – եթէ ուզէ անգամ – կրնայ օգնել:

Ժամանակն է, որ մեր ժողովուրդը յստակօրէն գիտակցի նման ձեւով հակառակորդին տարածքներ յանձնելու այս իշխանութիւններու վարած քաղաքականութեան ծանր հետեւանքներուն:

Տաւուշեան գործընթացին մէջ ակնյայտօրէն կը դրսեւորուի մեզի գիշումներ պարտադրելու այս իշխանութիւններուն ձեռագիրը»:

Տարածաշրջանի մէջ որպէս ինքնիշխան ու ազատ երկիր գոյատեւելու քաղաքականութիւնը կը թելադրէ ժողովրդավարութեան լիիրաւ իրագործում, որպէսզի համախմբուած ուժերով, կարծիքներու քիւրեղացումով ուրուագծուին տարածաշրջանի մէջ Հայաստանի ռազմավարութիւնը եւ տարբեր կողմերու հետ յարաբերութեան որակն ու եղանակը, առանց իյնալու Վրաստանի կամ Ուքրանիոյ նման երկիրներու խոստացուած ու չիրականացած գիւտարական կամ տնտեսական զարգացման ծրագիրներու ոլորապտոյտին մէջ, յատկապէս նկատի առնելով որ Հարաւային Կովկասի մէջ ՆԱԹՕ-ի ներկայացուցիչը թուրքիան է. այն թուրքիան, որ ժամանակի ընթացքին հայկական աշխարհէն այնքան հողեր բռնագրաւած է, իսկ վերջին պատերազմին Ատրպէյճանը գինած ու անոր յարձակողապաշտ քաղաքականութեան հիմնական մղիչը դարձած:

«Գ.»

-Սուրիոյ նախագահ Պաշշար ալ-Ասատ հանդիպում ունեցաւ Դամասկոսի խումբ մը կրօնագետներու հետ:

Հանդիպումին ընթացքին, նախագահ Ասատ շեշտեց կրօնական հաստատութիւններուն կարեւոր դերը սուրիական ընկերութեան եւ պետութեան միասնութեան եւ կայունութեան պահպանման մէջ:



Նախագահը յայտնեց, որ կրօնագետներուն տարիներու ընթացքին արծարծած միտքերուն եւ թափած ջանքերուն արգասիքը կը քաղենք այսօր, սուրիական ընկերութեան տարբեր խաւերուն հպարտալի կեցուածքներով, որոնք կրօնական, մտաւորական եւ գիտական հասունութիւն կ'արտացոլացնեն:

-Երկուշաբթի, 8 Ապրիլ 2024-ին, Դամասկոսի մէջ տեղի ունեցաւ Իրանեան դեսպանատան նոր շէնքին բացումը, ներկայութեամբ Սուրիոյ արտաքին գործոց նախարար դոկտ. Ֆայսալ ալ-Մըքտատի եւ Իրանի արտաքին գործոց նախարար Հուսէյն Էմիր Ապտուլլահեանի:



Մըքտատ եւ Ապտուլլահեան այցելեցին անցնող օրերուն Դամասկոսի մէջ իրանեան դեսպանատան դէմ իսրայելեան գրոհին հետեւանքով դեսպանատան անձնակազմէն վիրաւորի մը, որ տակաւին բուժում կը ստանայ Դամասկոսի Մուսաթի հիւանդանոցէն ներս:

-Պաղտատցի տեղահանուածներուն օգնութեան յատուկ ՄԱԿ-ի գործակալութիւնը ԱՆՐՈՒԲ-ն յայտնեց, որ ամիսներէ ի վեր Կազգայի դէմ իսրայելեան յարձակումներուն հետեւանքով Կազգայի բնակարաններու 62%-ը, ինչպէս նաեւ ենթակառոցները, ներառեալ ԱՆՐՈՒԲ-ի ենթակայ շէնքերը, որոնց մէջ պաղեստինցի տեղահանուած ընտանիքներ կ'ապաստանէին, քանդուած են:



Գործակալութիւնը աւելցուց, որ Կազգայի բնակչութեան աւելի քան 75%-ը տեղահան դարձած է:

ԵՐԿՐԱՇԱՐԺԷՆ ՎՆԱՍՈՒՄԾ ԲՆԱԿԱՐԱՆՆԵՐՈՒ ՆՈՐՈԳՈՒԹԵԱՆ ԵՐԿՐՈՐԴ ՓՈՒԼ Այսու կը տեղեկացնենք, թէ անոնք որոնց բնակարանները երկրաշարժէն վնասուած են ու ցարդ չեն նորոգուած, կրնան ներկայանալ Ս. Աստուածածին եկեղեցի 8-17 Ապրիլ 2024-ին, իրենց հետ ունենալով համապատասխան փաստաթուղթեր: Բերիոյ Հայոց Թեմի Երկրաշարժի Արտակարգ Իրավիճակի Մարմին

Arabic text with crescent moon and lanterns: بمناسبة عيد الفطر السعيد، نتقدم بأحر التهاني والتبريكات القلبية لأبناء وطننا الحبيب سورية، أعاده الله علينا وعليكم بالخير واليمن والبركات. كل عام وانتم بألف خير. المطران مكارم اشكاريان مطران الأرمن الأرثوذكس لأورشليم حلب وتوابعها 2024/4/9

Լուրեր Հայաշխարհին

ԱՏՐՊԵՅՃԱՆՅՈՒՆԵՐԸ ԽՈՉՆԱԿԱՐԻ, ԱՐԱԽԻՄԻ ԵՒ ՍՈՐՔԻ ՀԱՅԿԱԿԱՆ ԴԻՐՔԵՐՈՒՆ ՎՐԱՅ ԿՐԱԿ ԲԱՅԻՆ

Հայաստանի Պաշտպանության Նախարարությունն...



Ատրպեյճանի Պաշտպանության Նախարարությունը...

ՆԻԿՈՒ ՓԱՇԻՆԵԱՆ ՇԵՌԱՅԱՅՆԱՅԻՆ ԶՐՈՅՑ ՈՒՆԵՅԱԾ ԵՒ ՕԼԱՖ ՇՈՒՅԻ ՇԵՏ

Հայաստանի Հանրապետության վարչապետ...



Վարչապետ Նիկոլ Փաշինյանի հեռաձայնային զրոյց...

Եվ գործընթացին: Վարչապետ Փաշինյանը...

Վարչապետ Փաշինյանը շնորհակալություն...

ՀՅԴ ՀԱՅ ԴԱՏԻ ԿԵԴՐՈՆԱԿԱՆ ԽՈՐՀՈՒՐԴԻ ՅԱՅՏԱՐԱՐՈՒԹՅՈՒՆԸ Ի ՊԱՇՏՊԱՆՈՒԹՅՈՒՆ ԵՐՈՒՍԱՂԵՄԻ ՀԱՅՈՒԹԵԱՆ ԵՒ ՊԱՏՐԻԱՐՔՈՒԹԵԱՆ ՀԱԶԱՐԱՄԵԱՅ ԻՐԱՌԻՆՔՆԵՐՈՒՆ

Ստորև կը ներկայացնենք Երուսաղեմի հայութեան...



«Մտահոգութեամբ կը հետեւինք Իսրայէլի ոստիկանութեան...

Արդէն յայտարարած ենք, որ «հարցին կարգաւորումը պէտք է կատարուի...

Երուսաղեմի մէջ հայկական իրաւունքներու հարցը կը վերաբերի համայն հայութեան...

ՀՅԴ Հայ Դատի Կեդրոնական Խորհուրդը կը շարունակէ իր բոլոր հնարաւորութիւններով...

ՀՅԴ ՀԱՅ ԴԱՏԻ ԿԵԴՐՈՆԱԿԱՆ ԽՈՐՀՈՒՐԴ 8 Ապրիլ 2024»

ԱՐՄԵՆ ՌՈՒՍՏԱՄԵԱՆ. «ԶԵՄ ԲԱՅԱՌԵՐ, ՈՐ ԱՏՐՊԵՅՃԱՆ ԱՅՆԱԾՄԱՆ ՅՈՐՁԱՎԿՄԱՆ ԱՆՅՆԻ»

Ազգային ժողովի ընդդիմադիր «Հայաստան» խմբակցութեան...

պատգամաւոր Արմեն Ռուստամեան չի բացառեր, որ Ատրպեյճան անցնի...

ԻՇԽԱՆ ՍԱՂԱԹԵՆԵԱՆ ՀՐԱՊԱՐԱԿԵՅ ԻՇԽԱՆՈՒԹՅՈՒՆՆԵՐՈՒՆ ՀԱՎԱՉԴԵՆՈՒ ՅԱՌԱՅԻՎԱՅ ԲԱՅՆԵՐԸ

ՀՅԴ Հայաստանի Գերագոյն Մարմինի ներկայացուցիչ, Ազգային ժողովի «Հայաստան» խմբակցութեան պատգամաւոր Իշխան Սաղաթեյան Տաւուշի մարզ կատարած այցելութեան շրջանակներուն մէջ ներկայացուցած է տաւուշեան ճգնաժամի յարթահարման ուղղութեամբ իրականացուելիք ծրագիրներն ու գործողութիւնները:



Կրում առաջացրել է բաւականին լուրջ հակազդեցութիւն:

Տեղում այս ուղղութեամբ մեծ ծաւալի աշխատանքներ են իրականացնում ընդդիմադիր քաղաքական ուժերը, հոգեւոր, հանրային-հասարակական գործիչները, որոնց ուղերձը մէկն է՝ կանգնել տաւուշու արդար պահանջի կողքին:

Սակայն, ոչ պակաս կարեւոր խնդիր է հարցի տեղայնացումից խուսափելը: Անվտանգութեանը սպառնացող այն մարտահրաւերը, որի առջեւ այսօր կանգնած է Տաւուշում ապրող մեր հայրենակիցը, դա միայն իր խնդիրը չէ: սա համազգային նշանակութեան հարց է:

Հետեւաբար, հակազդեցութիւն են դիմադրութիւն պէտք է ձեւաւորել մեր ընթացքը:

րել միաժամանակ երեք հարթութեան՝ տաւուշեան, համահայաստանեան եւ համահայկական մակարդակների վրայ:

Վերը նշուած բոլոր ուղղութիւններով աշխատանքներն ընթացքի մէջ են:

Նշեմ դրանցից մի քանիսը, որոնք ծրագրաւորել ենք առաջիկայ օրերին.

- Ազգային ժողովում հրատապ օրակարգով նիստ, յայտարարութեան նախագծի ներկայացում,

- Ազգային ժողովում խորհրդարանական լսումներ,

- աշխատանք միջազգային հարթակներում,

- մարզային հանդիպումների շարք,

- անվտանգութեան հարցերով մասնագիտական քննարկումների, հաւաքների կազմակերպում,

- համահայկական տարողութեամբ իրազեկման եւ զօրակցական ցոյցերի իրականացում:

Մենք այս բոլոր մակարդակներում համատեղ ուժերով պէտք է ձեւաւորենք իրական հակազդեցութիւն եւ համազգային դիմադրութիւն, որն ի գօրու կը լինի կոտորել չդադարող գիշումների շղթան եւ բեկել մեր ընթացքը:



«Եթէ յարձակումի վտանգ չկայ, իշխանութիւնը ինչո՞ւ կը վախցնէ մեր ժողովուրդը պատերազմով: Վերջերս Նիկոլ Փաշինյան այցելած էր սահմանամերձ գօտի, ուր կը պատրաստուին տարածքներ յանձնել, ահաբեկած էր պատերազմով: Եթէ որեւէ վտանգ չկայ, պէտք չէ ժողովուրդը վախցնել, բայց, իրականութիւնը այդպէս չէ: Ասիկա շատ յստակ ծրագրուած գործընթաց է. այնտեղէն կը վախցնեն, այստեղէն կը վախցնեն ու կը ստեղծեն այնպիսի տպաւորութիւն, որ այլ ճանապարհ չունինք, պէտք է գիշինք, որ կարենանք գոյատեւել», ըսաւ ան:

Ըստ Ռուստամեանի, բանաւոր խօսակցութիւնները կը զուգորդուին սահմանային լարուածութիւններով, որ Ատրպեյճանն ու Թուրքիան ստանան իրենց համար ընդունելի արդիւնքներ ու հասնին իրենց նպատակին:


ՊՐԻՔՍԵԼԻ ԵՌԱԿՈՂՄԱՆԻ ՅԱՅՏԱՐԱՐՈՒԹԵԱՆ ՃԱԿԱՏԱԳՐԱԿԱՆ ԲԱՅՈՑ

Կարո Արմենյան

ԱՄՆ-ի, Եւրոպական Միութեան եւ Հայաստանի իշխանութիւններուն կողմէ հրապարակուած միացեալ յայտարարութիւնը կը խօսի ամէն ինչի մասին, բացի Հայաստանի համար կենսական եւ անմիջական նշանակութիւն ունեցող անվտանգութեան սպառնալիքներէն: Կը խոստանայ ամէն բան, բացի թուրքաւարպետական կողմի ղեկավարութեան 2024-փետի երաշխիքներէ: Ան բացարձակապէս կ'անգիտանայ գոյութեանական այն սուր ճգնաժամը, որուն ղեկ յանդիման կը գտնուի մեր երկիրը այսօր:

Այս պայմաններուն մէջ, բացառիկ ուշիմութեան կարիք չունի թշնամին հասկնալու համար, որ Հայաստանի նոր «հովանաւոր»-ները երբեք հետաքրքրուած չեն իր ձեռքերը «կապելով»: Անոնք երբեք հետաքրքրուած չեն Հայաստանի անվտանգութեան խնդիրներու լուծման մէջ դերակատար ըլլալով:

Պրիքսելի յայտարարութեամբ, Արեւմուտքի տերերը յստակօրէն կը լուան իրենց ձեռքերը եւ անգամ մը եւս Հայաստանը կը լքեն իր ճակատագրին: Աւելին: Անոնք գործնականօրէն կ'անցնին թշնամիին կողմը ռազմական հողի վրայ նժարը թեթելով ի նպաստ թուրքաւարպետական բեւեռին: Պարզ է, որ անոնք իրենց գրաւը դրած են Կովկասի մէջ Թուրքիոյ եւ Ատրպէյճանի միջոցով Մոսկուան եւ Իրանը հակակշռելու սին յոյսերուն վրայ: Մինչ այդ՝ կրկին ծախուողը հայ պետականութեան կենսական շահերն են տնտեսական եւ մարդասիրական օգնութեան թափանցիկ շղարշներուն ետին:



Անմիջական հետեւանքը այս մնջախաղին՝ ատրպէյճանական ուժերու վերջին ոտնձգութիւններն են: Կարդա՛լ ՀՀ Արտաքին Գործոց Նախարարութեան ստորեւ տեղադրուած յայտարարութիւնը: Նախարարութիւնը կը փութայ ինքզինքը շնորհաւորել Պաքոյի կողմէ ռազմական գործողութիւններու կասեցման համար: Աւելի զգօս վերաբերմունքը պիտի պահանջէր ակնկալել անելի մեծ վտանգ, որ դեռ մեր առջեւն է եւ պատրաստուիլ անելի ծաւալուն մարտահրաւերներու:

Կը տեղեկացնեն, թէ այսօր Ֆրանսայի դեսպանը Երեւանի մէջ խօսած է ՀՀ անվտանգութեան գօրավիզ կանգնելու Ֆրանսայի դիտաւորութեան մասին: Ի՞նչ պէտք է հասկնալ այս ջերմ հաւաստիքներէն... որոնք երբեք յստակ մարմնաւորում չեն ստացած մինչեւ օրս: Պէտք է անշուշտ հետապնդել դիւանագիտական այս ելոյթները հաստատելու համար անոնց իրական կշիռը, բայց նաեւ պէտք է անպայման կազմակերպել իրական զուգահեռը եւ պատրաստուիլ իրական կռուի:

Փաստը այն է, որ ահաւասիկ կրկին, այս ուշ ժամուն, ՀՀ իշխանութիւնները կը շարունակեն ապաւինիլ «խաղաղութեան օրակարգ»-ին միաժամանակ ընդունելով, որ թշնամին բացարձակապէս հետաքրքրուած չէ նման փաթեթներով: Մերկ իրականութիւնը այն է, որ մենք չունինք ո՛չ Մոսկուայի եւ ո՛չ Արեւմուտքի յստակ զօրակցութիւնը, եւ երկիրը կը գտնուի քաղաքականապէս սնանկ իշխանութեան մը ձեռքին: Հետեւաբար պայման է, որ առաջին հերթին Փաշինեանական համակարգը դադրի մեր երկրին ճակատագիրը տնօրինելէ: ԴԱԴՐԵՑՈՒԻ՛:

Պրիքսելի յայտարարութիւնը իր մեծ խոստումներուն ետին բացայայտեց ՀՀ քաղաքականութեան եական բացը: Ներկայի տուեալներով, Հայաստանի դէպի Արեւմուտք շրջադարձը շատ հեռու է թուրքաւարպետական մեծ սպառնալիքը չէզոքացնել կարենալէ: Ընդհակառակն. ան նոր աշխուժութիւն հաղորդած է թշնամիի յարձակապաշտ ռազմավարութեան: Թուրքաւարպետական բեւեռը կը շարունակէ տիրապետել տարածաշրջանի խաղաղաստեղծութեան թէ՛ Մոսկուայի եւ թէ՛ Արեւմուտքի հետ յարաբերութիւններու խաղաքարտերը իր հակակշռին տակ պահելով: Փոխանակ մեր անվտանգութեան կացութիւնը բարելաւելու, Պրիքսելի բանակցութիւններով մենք բացէ ի բաց վատթարացուցած ենք մեր կացութիւնը: Մինչեւ ե՞րբ՝ այս ամենօրեայ գահավէժը:

ՀՀ ԱՐՏԱՔԻՆ ԳՈՐԾՈՑ ՆԱԽԱՐԱՐՈՒԹԵԱՆ ՅԱՅՏԱՐԱՐՈՒԹԻՒՆ

Ապրիլ 5-ի լոյս 6-ի գիշերը Ատրպէյճանի Հանրապետութեան Չինուած ուժերու սադրիչ գործողութիւնները արդարացում չունին: Սահմանի բազմաթիւ հատուածներուն մէջ անկանոն կրակահերթեր բանալով, քանի մը տասնեակ զինուորական ատոմեքենաներու շարժերով Ատրպէյճան ակընյայտօրէն հետապնդած է սադրիչ նպատակ: Հայաստանի Հանրապետութեան Չինուած ուժերու ստորաբաժանումները դրդել՝ համանման հակադարձ գործողութիւններու, վերջին շրջանի ատրպէյճանական ապատեղեկատուութիւնը «հիմնաւորող» փաստեր ստանալու համար:

Հայաստանի Հանրապետութեան Չինուած ուժերու ստորաբաժանումները, գնահատելով իրադրութիւնը, հետագայ սրման նպաստող գործողութիւններ չեն կատարած, որուն հետեւանքով սահմանագիծի իրավիճակը հանդարտած է:



Հայաստանի Հանրապետութեան Արտաքին Գործոց Նախարարութիւնը կը վերահաստատէ, որ Հայաստան տարածաշրջանի իրադրութեան սրմամբ չ'է հետաքրքրուած եւ Ատրպէյճանին կողմէ կ'ուղղէ դադարեցնելու իրադրութեան սրման հասնելու գործողութիւնները:

Արդարացուած չենք համարել նաեւ Հայաստանի Հանրապետութեան ինքնիշխան տարածքին վրայ պաշտպանական կառուցներու ստեղծման վերաբերեալ Ատրպէյճանի գնահատականները, քանի որ բանակի եւ բանակային ենթակառուցուածքներու բարեփոխումները իւրաքանչիւր երկրի ինքնիշխան իրաւունքն է: Միեւնոյն ժամանակ կը յիշեցնենք, որ Հայաստան-Ատրպէյճան պետական սահմանէն զօրքերու հայելային յետքաշման, սպառնալիքներու վերահսկման փոխադարձ մեքանիզմներու ներդրման, յարձակումը կանխելու պայմանագիր կնքելու, պետական սահմանին յարակից տարածքները ապառազականացնելու Հայաստանի Հանրապետութեան առաջարկները Ատրպէյճանի կողմէ կը շարունակեն անարձագանգ մնալ:

Անհասկնալի են նաեւ Հայաստանին ուղղուած մեղադրանքները պաշտպանական նպատակներով սպառնալիքներու ձեռքբերման առիթով, որովհետեւ Ատրպէյճանի Հայաստանի Հանրապետութեան անգամներով անելի սպառնալիքներ ձեռք կը բերէ, ինչի մասին Հայաստան համապարփակ տեղեկատուութիւն կը ստանայ:

Այս առիթով պաշտօնապէս կը վերահաստատենք Հայաստանի Հանրապետութեան նուիրումը խաղաղութեան օրակարգին, ինչպէս նաեւ անկէ բխող սպառնալիքներու փոխադարձ վերահսկման մեքանիզմներու ստեղծման եւ երկու երկիրներու միջեւ սահմանի յարակից տարածքները ապառազականացնելու՝ Ատրպէյճանին ուղղուած մեր առաջարկը:

ՀՀ Արտաքին Գործոց Նախարարութիւն
6 Ապրիլ 2024
Երեւան

www.kantsasar.com
www.kantsasar.com
www.kantsasar.com

ՆՇԱՐ

ՆԻՔԱՐԱԿՈՒՄ Կ'ԱՄԲԱՍՏԱՆԷ ԳԵՐՄԱՆԻԱՆ, ԵՒ ՈՒՐԻՇ ԲԱՆԵՐ



Ս. Մահսերճեան

ՄԻՋԱԶԳԱՅԻՆ ԼՈՒՐԵՐՈՒ ՏՈՊՐԱԿԵՆ. Նիքարակուա Միջազգային Ատեանին ամբաստանագիր ներկայացուցած է Գերմանիոյ դէմ, զայն կը մեղադրէ պաղեստինցիները ցեղասպանութեան ենթարկող Իսրայէլին մեղսակից ըլլալու յանցանքով:

Եթէ հարցնէք նիքարակուացիներուն թէ ինչպէ՞ս տեղի կ'ունենայ մեղսակցութիւնը, կը պատասխանեն. պաղեստինցիները շարդելու համար գործածուած զէնքերուն աւելի քան 30 առ հարիւրը կը տրամադրուի Գերմանիայէն, 65 առ հարիւրը՝ Միացեալ Նահանգներէն, իսկ մնացեալ բաժինը՝ եւրոպական այլ երկիրներէ: Գերմանիա, որուն համար ցեղասպանութիւն եզրը - հոլոքոսթ տարբերակով - շատ զգայուն կ'էտ է, կ'աճապարէ մերժելու մեղադրանքը:



Նիքարակուա բազմափող հրացանով կրակած է ոճրագործին եւ մեղսակիցներուն վրայ: Եթէ մեղադրականը ուղղակի Գերմանիոյ ուղղուած է, նաեւ ինքնին հաստատումներ կ'ընէ, թէ Իսրայէլ ցեղասպանութիւն կ'ընէ (ի դէպ, սա ցեղասպանի յանցանքով առաջին մեղադրանքը չէ Իսրայէլի դէմ, Կազայի պատերազմին Նորագոյն բռնկումէն ասդին, Զարաւային Ափրիկէ ուղղակի Իսրայէլը ամբաստանեց), եւ իր ոճիրներուն մէջ ունի մեղսակիցներ: Նիքարակուայի ամբաստանագիրը վար կ'առնէ նաեւ Ուաշինկթընի եւ ուրիշներու դիմակները: Պարզ է, չէ՞. Նախագահ Պայտըն եւ կարգ մը գործակիցներ մինչեւ իսկ սպառնալիք բուրոզ զգուշացման կոչեր կ'ուղղեն Նեթանիահուի, իսկ գործնապէս անոր կ'ըսեն՝ շարունակէ սպանոյն ու քանդումը, մենք քաղաքականապէս կողքիդ ենք, պիտի շարունակենք առատ զէնք տրամադրել քեզի: Ականջ մի տար ո՛չ մեր, ո՛չ ալ այլոց քննադատութիւններուն: Մենք աշխարհը կը համոզենք, որ պաղեստինցիներուն ուտելիք կը հասցնենք, աշխարհը պէտք է աչք փակէ նաեւ այն ոճիրներուդ, որոնց զոհ գացին սննդանիւթ հասցնող բարեսերներ:

Մարդս իրաւունք ունի մտածելու. Նիքարակուան ո՛ւր, Կազան ո՛ւր: Երկուքն ալ մանր երկիրներ են, մէկը միւսէն մօտաւորապէս 12 հազար քիլոմետր հեռու: Մէկը շեշտուած կերպով քրիստոնէայ, միւսը՝ առաւելաբար իսլամական դիմագիծով ներկայացող (թէեւ պաղեստինցիները, իրենք, նման խտրական մօտեցում չունին): Սակայն եկուր տես, որ կազացիներուն, այսինքն՝ պաղեստինցիներուն պաշտպանի դերը ստանցնողը... յուշակոորոյս մը չէ: Նիքարակուացիք չեն մոռցած, որ պաղեստինցիները տասնամեակներ առաջ իրենց զօրակից եղած են, երբ սանտինականները Ուաշինկթընի հովանաւորեալ՝ բռնատեր Սոմոզայի ու անոր գլխաւորած խուկթային դէմ պայքար կը մղէին (այդ ի՛նչ հին պատմութիւն է, պիտի ըսեր ԶՊ-ական մը...)

ՀԱՅԱՍՏԱՆԻ ԼՈՒՐԵՐՈՒ «ԳԱՆՁԱՐԱՆ»-ԷՆ. հոս այլազանութիւն կայ.

Ատրպէյճան քակի մը օրէ ի վեր կրկին յաճախակի դարձուցած է սահմանային գիւղերու վրայ յարձակումները: Թիրախները հիւսիսային, կեդրոնական եւ հարաւային գօտիներն են: Այս «փուլը» բացուեցաւ այն օրերուն, երբ վարչապետ կոչեցեալը Եւրոպայէն տնտեսական օժանդակութիւն կը մուրար (եւ մանրուքներ ստացաւ), իսկ Եւրոպացի եւ ամերիկացի բանակցողները ոգի ի բռին կ'աշխատէին քարիւղատեր եւ խաւիարատեր Ալիեւը ողորդելու, թէ մտահոգուելու պէտք չունի: Անդին, Ատրպէյճանի յարատեւ ոճիրներն ու սպառնալիքները աչքաթող կը ձգուին արեւմուտքիներուն կողմէ, որոնց դէտերը «սքանչելիօրէն» կը խաղան իրենց դէր՝ դէպքերու մասին ար-

ձանագրութիւն կը պահեն, որոնցմէ մինչեւ իսկ... մուկ մը չի ծնիր ի նպաստ Զայաստանի, կամ մեղադրանքի նշոյլ մը՝ Ատրպէյճանի հասցէին:

Ո՞վ պիտի մեղադրէ Ատրպէյճանը: Տեսէ՞ք, թէ Զայաստանի իշխանականները ինչպէս կը դիտեն եղածները: Արարատ Միզոյեան անգամ մը եւս կը հաստատէ, թէ դիկտորական մըն է... տգիտութեան մէջ, եւ թշնամիին ոճիրները անուղղակիօրէն արդարացնող մը: Մէկ կողմէ կը տեսնէ, որ ազերիները թշնամանք կը կիրարկեն, բայց յետոյ կը յայտարարէ, որ իրեն համար անհասկնալի է թէ ազերիները ինչո՞ւ նման քայլերու կը դիմեն «խաղաղապաշտ Զայաստան»-ի դէմ (44-օրեայ պատերազմի Նախօրեակէն ի վեր, եղածին մէջ չհասկնալիք ի՞նչ կայ): ԶՊ-ական խորհրդարանական մը՝ Անդրանիկ Զոչարեան կոչեցեալ, ուրիշ «գիւտեր»-ով կը բացատրէ ազերիներուն թըշնամական արարքները: Նախ պաշտօնական Պաքուին կ'ընծայէ ինքնարդարացումի ուղի մը, ըսելով, որ կրակոցները յայտնապէս տեղւոյն վրայ պատահած պաշը-պօզըքութիւն են, այսինքն՝ պետական քաղաքականութեան հետ կապ չունին, յետոյ կ'ըսէ մօտաւորապէս. «Ի՛նչ եղեր է որ... քակի մը ապակի փշրուեր է, կը նորոգենք, կը վերջանայ»: Սա շարունակութիւնն է այն «տրամաբանութեան», ըստ որուն՝ մենք պէտք չունինք անբնակ հողեր պաշտպանելու, կամ եթէ ազերիները մեզմէ կարելի մայրուղի մը խլեն, ի՞նչ կ'ըլլայ որ, Նոր ճամբայ մը կը բանանք, հոգ չէ թէ անիկա պիտի երկարէ մօտակայ գիւղերու միջեւ երթելի ուղին (հիմա ո՞վ կը յիշէ Գորիս-Կապան մայր ճամբան փոխարինողին ստեղծած դժուարութիւնները): Ասոնց թելադրուած է կոյր խաղալ, եւ հանրութիւնն ալ կը հրաւիրեն կուրութեան, որպէսզի ամբողջ ազգը մոռնայ, թէ Արցախը ինչպէ՞ս Նուեր տրուեցաւ Ատրպէյճանին, հիմա ինչպէ՞ս կը փորձեն «ապացուցել», որ Զայաստանէն ալ այս կամ այն պատահիկը (միշտ Պաքուի անհատում պահանջներու ցանկին վրայէն) երբեք Զայաստանի չեն պատկանած, Ալէն Սիմոնեան «հրաշալիք»-ն ալ, Դիոգինեի լապտերը ձեռքն առած՝ կը փնտռէ մէկը, որ ապացուցէ, թէ Ատրպէյճանի պահանջած գիւղերը Զայաստանի պատկանած են...: Այս բոլորին ի տես, զանգուած մը կը նախընտրէ կրաւորական մտալ, «ես քաղաքականութեամբ չեմ զբաղիր» պատճառաբանել եւ ընդառաջել ընդդիմադիրներուն եւ հայրենապաշտպաններուն «գայլը կու գայ» ահագանգերուն: «Ստախոս Միհրան»-ին պատմութիւնը ծանօթ է, չէ՞: Կը պատմէ՞ թէ գայլը օր մըն ալ իրա՛ւ եկաւ ու առանձին մնացած ստախօս տղան բզիկ-բզիկ ըրաւ: Մեր պարագային, գլխագիր ստախօս(ներ)ը յայտնապէս իր միսը զոհ պիտի չտայ գայլին, իսկ իրենց հո՛գն է հատեր, եթէ գայլը պիտի ուտէ հայութեան մէկ մասն ալ, կուլ տայ Զայաստանէն աւելի մեծ պատահիկներ, հայաթափէ Զայաստանն ալ՝ մաս առ մաս:

Եւրոպական միութեան քարտուղարը՝ Մարիա Պելչինովիչ Բուրիչ (այս ի՛նչ բուրումնալի անուն, չի նմանիր միւս դերակատար-բեմադրիչներուն) Զայաստան եկած է, ստուգելու համար, որ Զայաստանի մէջ դատարանային մարզը, ժողովրդավարութիւնն ու մարդկային իրաւունքներու յարգումը ինչպիսի՞ ծաղկում կ'ապրին: Չէ՞ որ Պրիւքսելի մէջ խոստացուած օժանդակութիւնները այդ խորագիրներուն տակ դրուեցան եւ պիտի հոսին... արեւմտասերներու գրպաններուն մէջ: Եւրոպացի պաշտօնակատարին յանձնարարութիւն չէ տրուած ստուգելու, թէ ընդդիմադիրներն ու ամբողջ ժողովուրդը ինչպիսի՞ դժգոհութիւններ ունին այս իշխանութեան բռնատիրական, անարդար եւ կաշառակեր ընթացքներէն: Քակի մը օր առաջ, Նախարար կոչեցեալ մը կը յոխորտար, որ Զայաստանի մէջ քաղաքական բանտարկեալներ չկան: Նոյնը կ'ըսէ նաեւ Պաքու, թէ՛ իր մօտ հայ քաղաքական բանտարկեալ չկայ, մինչդեռ միջազգային ընտանիքը կը կրկնէ ու կը կրկնէ, թէ Ալիեւ պատանդ կը պահէ Զայաստանէն եւ Արցախէն բազմատասնեակ հայորդիներ, պետական ու զինուորական անձնաւորութիւններ, մինչեւ իսկ համարձակող կայ, որ կ'ըսէ, թէ Արցախի հարցը չէ փակուած, դողի մատնելով ԶՊ-ականներու սիրտը: Երեւանի իշխանաւորները այս հարցին նկատմամբ ալ դարձած են Պապանձեալ Չաքարիային հաւատարիմ ժառանգորդները: Զապա ի՛նչ կ'ուզէ որ ընէին. Ատրպէյճանին Նոր պատճառ տային, որ յարձակի Զայաստանի վրայ: Նոր սովորութիւնը այն է, որ ազերիներ կը յարձակին, կը կրակեն ու կը ռմբակոծեն առանց պատրուակ փնտռելու, իսկ Զայաստանի իշխանաւորները ոգի ի բռին կ'աշխատին, որ «խաղաղապէս Զայաստան»-ը ամեն գետնի վրայ աւելի՛ տկարանայ, մնայ միւսակ (եւ այս միւսակութիւնը Վ. Թէքէեանի «Բարձրացում»-ին մէջ նշուած միւսակութիւնը չէ):

...Պաղեստինցիները հեռաւոր Նիքարակուայէն կամ ամփրկեան երկիրներէ գօրակիցներ կը գտնեն իրենց դէմ ոճիր գործողին ու մեղսակիցներուն դէմ (որովիտեւ օր մը գօրակցած են անոնց դատերուն), Երեւանի իշխանաւորները պատրաստ են կոտորելու օգնութիւն տրամադրելու պատրաստին ձեռքը, մոռացութեան գիրկը կը նետեն պատմութիւն, դատ եւ իրաւունք, պատրաստ են սահմանադրութիւնը կըտրել-կարել Ալմա Աթայի հռչակագիրին «թաւիշ»-ով:

ՄԱՆՐԱՎԵՊԵՐ



Յակոբ Չոյաբեան

15.- Աթեիզմի դասախոսը

Երեւանի պետական համալսարան: Աթեիզմի քննությունս էր. այսինքն՝ աստուածամերժութեան քննությունս: Հիմա պիտի ըսեք, թե աթեիզմը ի՞նչ կապ ունի հայոց լեզուի ու գրականութեան հետ: Բոլոր սփիւռքահայ ուսանողներն ալ նոյնը կ'ըսէին, բայց կը սորվէին:

Դասագիրք կար: Դասախօսություններու սղագրություններն ալ աչքէ անցուցի: Հետաքրքրական էր: Հակառակորդիդ համոզումները լաւ պէտք է ճանչնաս, որ հակապատասխան կշիռ ունենայ՝ կ'ըսեն: Հարցաթերթիկը վերցուցի, աչք մը նետեցի վրան եւ պատասխանեցի:

Ընկեր Մամիկոն Առուստամեանը, դոկտոր-փրոֆեսոր, քոմունիզմի ամբիոնի վարիչ, գարմացած կ'երեւեր:

- Դու հաւատացեա՞ր ես, - հարցուց:
- Այո՛, - պատասխանեցի շեշտով:
- Եկեղեցի գնո՞ւմ ես:
- Ամէ՛ն Կիրակի, - ըսի չարացած:
- Ո՞ր եկեղեցի:
- Սուրբ Էջմիածին, - պատասխանեցի հպարտանքով:

Շեշտակի նայեցաւ դէմքիս եւ տարակուսանք արտայայտող շեշտով մը ըսաւ.

- Բա ես երբեք քեզ չեմ տեսել Սուրբ Էջմիածնում:

Շշմեցայ: Այսպիսի անակնկալ չէի կրնար սպասել: Աթեիզմի դասախօսս անելին էր, քան ես կը ձեռացնէի ըլլալ:

- Հասկանում եմ, տղայջան, հասկանում եմ, ըսաւ ընկեր Առուստամեանը ու յայտնեց որ «լաւ», այսինքն 4 պիտի նշանակէ:

Ես ուզեցի առարկել, ես «գերագանց», այսինքն՝ հինգի պատասխանած էի:

- Դու սփիւռքահայ ուսանող ես, - ըսաւ, - ուսուցիչ ես լինելու, բա որ իմանան աթեիզմից գերագանց ես ստացել, քեզ ինչպէ՞ս վստահեն իրենց գաւակները:



16.- Թուղթն ու մատիտը կը խօսին

Տակաւին չորս դպրոց կար հետզհետէ պգ տիկցող Զեսապի մէջ՝ կաթողիկէ, ատետարանական եւ երկու ազգային: Ո՛ր այդպէս չէր որ...

Առանց Սրբոց Վարդանանց, առանց Ապրիլ 24-ի տան ներսի պատ չէի գտներ, բայց ո՛չ Վարդանանքը միասին կը տօնէին, ո՛չ ալ մեծ Եղեռնի նահատակներուն յիշատակը համատեղ կ'ոգեկոչէին: Հարիւր եւ անելի տարիներ առաջ սկսած յարանուանական, ապա կուսակցականութեամբ սնուած հակամարտությունները բաժներ էին նաեւ մեր համագային տօներն ու ցաւերը: Ո՛ր այդպէս չէր որ...

Երեւի միշտ ալ կ'ըլլան գերագոյն անհրաժեշտություններու մասին մտածող մարդիկ, որ մրրկաւ բաժնուած այս ժողովուրդը տարին գոնէ երկու անգամ համախմբուած տեսնել կը փափաքին մէկ եկեղեցւոյ մէջ՝ միասնաբար տօնելու Վարդանանքը, միասնաբար խոնարհելու Մեծ Եղեռնի մեր նահատակներու յիշատակին առջեւ: Կային այդպիսի մարդիկ: Ո՛ր չկան որ..., Ե՛րբ չկան որ...

- Լաւ, լաւ, - կ'ըլլար պատասխանը, բայց օրը որ գար՝ հաւատացեալները իրարմէ կը բաժնուէին եկեղեցիներու խաչմերուկներուն վրայ:

Հոգեւոր հայրերը «Թուղթն ու մատիտը կը խօսին» մտածեցին: Մէկը պայմանագրութիւն շարադրեց, գիւղի երեք հովիւները՝ քահանան, վարդապետը եւ վերապատուելին ստորագրեցին, կնքեցին, որ սոյն թուականէն ետք ամեն տարի Վարդանանքն ու Ապրիլ 24-ը պիտի նշուին համաժողովրդական ձեւով, Վարդանանքը՝ Մայր եկեղեցւոյ, իսկ Ապրիլ 24-ը՝ Աւետարանական եկեղեցւոյ մէջ: Այդ օրերուն երրորդ համագային տօնի մասին համաձայնութիւն չէր կրնար գոյանալ:

Բարեբախտաբար Զեսապի հայոց գերեզմանատունը մէկ դուռ ուներ, ատկէ կը մտնէին բոլոր մեռելները, ատկէ դուրս կ'ելլէին բոլոր սգաւորները: Ուրիշ տեղ գերեզմանատուներն ալ բաժնած ենք, չէ՞: Եւ առանձին խորհուրդ մը ունեցաւ Ապրիլեան նահատակներու յուշարձանի կառուցումը գերեզմանատան մէջ 1964-ին: Ատիկա Սուրբոյ մէջ ապրիլեան նահատակներու յուշարձաններուն մէջ առաջինը եղաւ:

Վտակները տարին գոնէ երկու անգամ մայր հունեն կը հոսին արդէն: Պայմանագրութիւն կայ կ'ըսեն. անանդավէ՛պ է, թե իրականութիւն՝ չէմ գիտեր: Չեմ գտած, չեմ տեսած, չեմ կարդացած:

- Թուղթն ու մատիտը կը խօսին, - կ'ըսեն:


ԷԹԻԵՄԵՉԵԱՆՆԵՐԸ (ՎԱԶԳԷՆ ՈՒ ԳԵՂԱՆԻ)



Լեւոն Շանյեան

Բ) «ՇԱՔԹՈՒԱՆ ՄՏԱԾՈՒՄԸ» (Վազգէն Էթեմեզեանի)

Չինք մօտէն ճանչցողներու հաւաստիացումով՝ Վազգէնը եղած է լուրջ, խոհական, իր ուրոյն աշխարհը ունեցող եւ ընդհանուր գարգացումի տեր եզակի մտաւորական մը: Ոմանց կարծիքով՝ այլախոհ-իմաստասեր մը: Քոյրը՝ Գեղանին, իր մասին գրած է. «Չպէղուած քարահանքի նման էր: Միշտ



ապրած եմ գինը լաւապէս ճանչնալու գագաղդութիւնը» («Ստուերներ», էջ 26):

Վազգէն ալ ծնած էր Հալէպ (1943), հոն ստանալով իր հիմնական ուսումն ու հայեցի դաստիարակութիւնը: Զսան տարեկանին փոխադրուած էր Պէրլու: Գրական շեշտուած հետաքրքրություններ ունենալով հանդերձ՝ կեանք ու ապրուստ շահած էր արհեստներով, երբեմն՝ «սեւ» աշխատանքով: Շրջան մը (1968-1975) ճամբորդեր էր մինչեւ Գանատա, համալսարանական ուսման դիտարկութեամբ. խորացուցեր էր իր գրականագիտական եւ իմաստասիրական գիտելիքները, նոյնիսկ տարուեր էր կրօնական փիլիսոփայութեամբ...: Լիբանանի

քաղաքացիական պատերազմը հազիւ բռնկած՝ Վազգէն վերադարձեր էր ընտանիքին մօտ, Պէրլու, ու ա՛լ հոնկէ չէր հեռացած: Կազմեր էր սեփական ընտանիք, բախտաւորուեր էր գաւակներով, դասաւանդել սկսեր էր հայկական վարժարաններու մէջ, աշխոյժ աշխատակից դարձեր էր համուլին:

Վազգէնի գրչի վաստակը, որ մասամբ կը կրէ հրապարակագրական բնոյթ ու մասամբ ալ՝ գրականագիտական, կը տարածուի նախ Գր. Շահինեանի «Ահեկան» պարբերականին ու Սիմոն Սիմոնեան/Գեորգ Աճեմեանի «Սփիւռք» շաբաթաթերթի տէրու (60-ականներ ու 70-ականներ), այնուհետեւ՝ «Ազդակ» օրաթերթի, «Ազդակ Շաբաթօրեակ-Դրօշակ»-ի ու «Բագին» ամսագրին վրայ:

Ան, 80-ականներու երկրորդ կեսէն ետք, գրաշարութիւնը ընտրած էր իբրեւ ազատ ասպարեզ՝ կեանքի կոչելով «Մորմոք» գրաշարատունը: Մահացած էր անակնկալօրէն, 53 տարեկանին:

Վազգէն Էթեմեզեանի կանխահաս մահէն անելի քան քառորդ դար ետք, այսօր, լոյսին եկած է ահա իր անունը կրող առաջին գիրք մը, որ մկրտուած է «Շաբթուան մտածումը» խորագրով (2023, Համագայինի «Վահէ Սէթեան» հրատարակչատուն): Այս գնահատելի նախածեռնութիւնը կը պարտիք Յ.Յ.Դ. Լիբանանի Կեդր. Կոմիտէի դաստիարակչական յանձնախումբին, որ գաղափարակից ողբացեալ ընկերոջ մը գրական թողոյն փրկելու ջանադրութեամբ՝ այդ վաստակին մէկ բաժինը տպարան կը յանձնէ, խըմբագրական աշխատանքն ալ վստահելով ծանօթ մտաւորական Վիգէն Աւագեանին: Հատորը գեղատիպ է ու ճաշակաւոր, խմբագրական աշխատանքը՝ բժախնդի որ գրեթէ անվրէպ: Գիրքը շնորհանդէսի մըն ալ արժանացած է անցնող Մարտ 29-ին:

Վ. Աւագեան իր նախաբանին մէջ բացատրություններ կու տայ գործին բնոյթին ու պարունակութեան մասին: Կ'ըսէ, թե այս հատորին կողքին տակ ի մի բերուած են Վազգէնի քաղաքական-քաղաքագիտական ու ընկերային-իմաստասիրական դրոշմ կրող այն քրոնիկները, որոնք «Շաբթուան մտածումը» ընդհանուր վերնագրին տակ լոյս տեսած էին «Ազդակ Շաբաթօրեակ-Դրօշակ»-ի մէջ, 1981-1985, միշտ Վարդադատ գրչանունով: Ըստ Աւագեանի, այս գրությունները կը պատկանին հրապարակագրութեան սահմանումի ժանրին, այսինքն՝ ասոնցմով հեղինակը կը փորձէ սահմանել ազգային-քաղաքական յղացքներ եւ լուսարձակ կը բանայ մեր կազմակերպչական կեանքին հայող ընդհանրական երեւոյթներու վրայ: Տեսակ մը գա-

Պրիմալետ

«ԿԱՐԻՔ»



Մարուշ Երամեան

Ամուսինիս հետ տուն կը վերադառնանք վերջին ցուցահանդեսն. տղաս դուռը կը բանայ, կը տեսնեմ մեր ձեռքին նոր գեղանկար մը եւ իր սովորական հանդարտ ու ցած ձայնով կ'ըսեմ.

– Յաջորդը երբ գնեք, հաշիւ ըրէք որ պատերուն վրայ տեղ չկայ, ստիպուած պիտի ըլլանք շէնքին անցքերուն մէջ կախել...

Յետոյ կարգը եկաւ գիրքերու. յաջորդ գիրքիս հրատարակութեան մասին կը խօսեմք, երբ կրկին մանչս միջամտեց.

– Բայց որո՞ւ համար են հրատարակած այս բոլոր գիրքերը. վստահ ես որ կարդացող կայ ...

Հակառակ անոր, որ մանչս խիստ արուեստասէր է, սակայն նոյնքան իրապաշտ է եւ գործնական:



Վերջերս շատեր ուղղակիօրէն կ'ըսեն, ընդհանրապէս «Գանձասար»-ի շաբաթական յօդուածներս կարդալէ ետք, ինչպէս այսօր բարեկամս՝ պարսկահայ գրագետ մտաւորական Կոլիա Տէր Յովհաննեսեանը կը գրէր դիմատետրին մէջ երեւցած հեղթական գրութեանս տակ.

– Մարուշ ջան, չե՞ս ցանկանում հրատարակել այս հիանալի գրութիւններդ Ա. հատորը:

Ըսեմ, որ տարիներ առաջ նման շաբաթական յօդուածներ կը գրէի «Գանձասար»-ին. անոնք ալ սակայն հատորի մը մէջ հաւաքուած չեն, որովհետեւ, անկեղծօրէն, գրուած են շաբաթաթերթի մը համար: Այն ընթացորդները, որոնք պիտի կարդային այդ յօդուածները, արդէն կարդացեր են. ինչո՞ւ հատորով մը կրկին հրատարակել գտնուեց, թէեւ հրատարակուած հատորներուն թիւը թերեւս որոշ ծանրութիւն մը տայ հեղինակի վարկին: Ասոր ալ սակայն լիովին համոզուած չեմ. այնքան շատ են անունները հեղինակներու, որոնք մէկ գիրքով, երբեմն նոյնիսկ մէկ քերթուածով հռչակ նուաճեր են:

Այս հռչակ նուաճելու հարցն ալ վիճելի է, որովհետեւ իրենց ատենին հռչակ նուաճած շատ անուններ – հայ թէ օտար գրականութիւններուն մէջ – այսօր մոռացութեան տրուած են, մինչ օրինակ ամերիկացի բանաստեղծուհի Էմիլի Տիքինսոնը (Emily Dickinson 1830-1886), որ այսօր մեծագոյններէն մէկը կը համարուի ամերիկեան գրականութեան, իր կեանքին ընթացքին հազիւ մէկ տասնեակ քերթուած հրատարակած էր ...

Բայց բարեկամիս այս այնքան պարզ առաջարկ-փափաքը որքան տխուր յուշեր կ'արթնցնէ միտքիս մէջ: Առաջինին եւ վերջինին մասին միայն պատմեմ, մինչ անոնց միջեւ որքան չպատմուած այլ յուշեր կան ...

Առաջինը սփիւռքահայ հանրածանօթ մտաւորականի մը խօսքն էր, որպէս պատասխան Սփիւռքահայ Բանաստեղծութեան ուսումնասիրութեան նուիրուած հատորս հրատարակելու առաջարկին: Առաջարկը ե՛ս ներկայացուցեր էի Անթիլիաս, ուղղակի Վեհափառ Հայրապետին, որ հետաքրքրական գտնելով ուսումնասիրութեանս նիւթը, ինք առաջարկս փոխանցեր էր Կիւլպենկեան հիմնարկութեան: Այս վերջինը կը գործակցէր Անթիլիասի հետ. հիմնարկին հրատարակութեան պատասխանատուներէն մէկը ըսեր էր որպէս պատասխան առաջարկիս.

– Ինծի ըսուեցաւ որ դուն կարիք չունիս Կիւլպենկեանով գիրք հրատարակելու:

Բառը ես ընդձեռնեցի, պարզապէս շեշտելու համար այն ցնցումը, որ ապրեցայ այս բառը լսելով ... պահ մը շփոթեցայ՝ արդե՞օք ողորմութիւն էր խնդրածս, որ պատասխանը որպէս «կարիք չունիս» կու գար: Երբե՞ն ի վեր գիրք հրատարակելը կարիք ունենալ-չունենալուն հետ կապուած է: Բայց ըստ երեւոյթին, պատասխանատուները անելի քան համոզուած էին, որ գիրքի մը հրատարակութիւնը ըստ կարիքի կ'որոշուի ...

Վերջին փորձառութիւնս այլ տխուր միջադէպ մըն էր: Դարձեալ սփիւռքահայ գրագետ մը ելմակով առաջարկեր էր ինձմէ հատոր մը տպել եւ երբ երկու այլընտրանք ներկայացուցեր էի, մէկը նախընտրէր էր: Սկզբնականօրէն համաձայնէր էինք, կը մնար մանրամասնութիւններու մասին խօսիլ, երբ հասաւ իր մէկ «բացատրական» նամակը.

«Ես կը կարծեի, որ դպրոցը կ'աշխատիս. իմացայ որ ՀԲԸՄ-ի գրասենեակը կ'աշխատիս, եւ գիտեմ, որ իրենք նիւթապէս պետք է քեզ նման մասնագէտի օգնեն գիրքը տպագրելու + վերջին մէկ ամիսը երկու հոգիի արդէն խօսք տուած եմ իրենց ծաւալուն հատորը հրատարակելու: Յաջողութիւն»:

Կրնայի ըսել, որ դպրոցը աշխատած օրերուս ալ ինք կրնար ճիշդ այս նոյն պատասխանը տալ, որովհետեւ այն դպրոցը եւս – փառք Տիրոջ եւ ի տարբերութիւն Սփիւռքի այլ գաղութներու դպրոցներուն – կրնայ նիւթապէս օգնել գիրք տպելու կամ որեւէ այլ ձեռնարկի, եթէ պատասխանատու-

ները ուզեն կամ որոշեն ...

Եւ կրկին նոյն ցնցումը, այս անգամ երկու պատճառներով՝ ա. ես չէի որ առաջարկեր էի գիրքերու մէկը հրատարակել, այլ՝ ինքը, եւ բ. ինծի՛ ալ խօսք տուած էր, ինչպէս միւս երկուքին, մասնաւանդ որ ինծի անոնցմէ առաջ խօսք տուեր էր, թէեւ մեր միջեւ գրաւոր համաձայնութիւն մը չէինք ըրած տակաւին:

Գրաւոր համաձայնութիւն ...

Կը յիշեմ Հայկաի Ներսի շուկան, որուն վաճառականները յատուկ դասակարգ մը կը կազմէին Հայկաի ճանչցողներուն, հոն ապրողներուն համար.

– Ներսի շուկայի վաճառական է, շա՛տ խորամանկ կ'ըլլան անոնք, – կ'ըսէին:

– Ներսի շուկայի վաճառական է, զգոյշ ըլլալու է ...

Բայց մէկ բան կար, որուն շուրջ բոլորը համաձայն էին՝ թէ ներսի շուկայի վաճառականներուն խօսքը հազար առ հարիւր վստահելի է եւ թէ անոնք, նոյնիսկ մէկ միլիոն գումարի համաձայնութիւնները – այդ ժամանակներուն իրապէ՛ս շա՛տ մեծ գումար էր մէկ միլիոնը – ձեռքի սեղմումով մը միայն կը կնքէին. չեմ յիշեր, որ այն օրերուն, երբ տակաւին կեանքը խաղաղ էր Հայկաի մէջ եւ մարդիկ ազնիւ էին, չեմ յիշեր որ տարակարծութիւն մը լսած ըլլամ ներսի շուկայի վաճառականներուն միջեւ:

Գուն մենք՝ հալեացիներս այսքանը յիշէինք եւ չհաւաճանէինք մեր քաղաքին սովորութիւններուն, որոնցմէ մէկն ալ ... ձեռքի սեղմումով կամ առանց սեղմումի խօսք տալն է, կատարելու յանձնառութեամբ: Այդ ալ սակայն գնաց-կորսուեցաւ պատերազմէն եւ երկրաշարժէն ծնած ւերակներուն տակ:

Անմեղ, անկեղծօրէն ըսուած եւ սրտաբուխ առաջարկ մը ի՞նչ յուշեր արթնցուց եւ ի՞նչ յոյզեր ալեկոծեց:

Բարեբախտաբար սակայն, ասոնց կողքին, այս տխուր յուշերուն չափ ու թերեւս անելի, աղուոր, քաղցր յիշատակներ ունիմ կապուած գիր-գրականութեան, սկսեալ Պօղոս Սնապեանէն մինչեւ Յարութիւն Զիւրքճեանը, որոնց բոլորին ալ շնորհակալ եմ, իրենց կեցուածքին եւ կատարած խոստումներուն համար:

ԷԹԻՄԵՆՉԵՎՆՆԵՐԸ...

Սկիզբ՝ էջ 6

Պատարասական հրատարակագրութիւն:

Թէ Վարագդատի այս էջերը, 40 տարի ետք, որքանով կրնան գոհացնել նորահաս ընթերցողներու ակնկալութիւնները կամ որքանով կրնան հասկնալի դառնալ մերօրեայ ընթերցողին՝ վիճարկումի նիւթ է անշուշտ: Այս կետը կը մատնանշեմ՝ նկատի ունենալով հեղինակին արտասովոր ոճն ու բառամթերքը, որ, – անկեղծ խօսք, – մատչելի չէ հայ ընթերցող խաւի ջախջախիչ մեծամասնութեան: Ներկայացուած հարցերն ու արծարծուած նիւթերը, արդէն, հրատարակագրին որդեգրած ժանրին իսկ բերումով, յստակացում կամ եզրայնացում չունին ընդհանրապէս, այլ կը կատարեն լոյս սահմանումներ: Հոն գրեթէ չէք գտներ անուն, տեղանուն, թուական ու նմանօրինակ շօշափելի տուեալներ: Կայ միայն մատնանշուած երեւոյթի մը հայանցիկ արտորոշումը՝ ընդհանուր գիծերու մէջ: Ասոր վրայ բարդեցէ՛ք հեղինակին լեզուէն, ոճէն ու խրթին գրելաձեւէն բխած խոյնընդոտող ազդակներն ալ, կ'ունենաք հանգոյցներու շարան մը, որ պետք ունի... Աղեքսանդր Մակեդոնացիի մը թուրին:

Ահա՛ պատահականօրէն ընտրուած առանձին պարբերութիւն մը (էջ 296-97).

– Ճիշդ է որ սկզբնապէս բնականօրէն անելի թուող երեւոյթներ ու գործունեութիւններ, կեանքի փորձառութեան ու հասունութեան ձեռքբերման, ինչպէս նաեւ ուրիշներու ճաշակին ժողովրդավարօրէն ու հանդուրժողաբար տեղ բանալու եւ, առանց անպայման գայն իւրացնելու, այդ ճաշակին իւրայատկութիւնը ըմբռնելու ճամբով, տրամախոհական հաշտութեան մը մթնոլորտը կ'առաջացնեն անհատներու մօտ, բայց նոյնքան ճիշդ է որ բնագործն ու զգացականօրէն սկզբնապէս ատելի թուող երեւոյթներ իրենց ատելիութեան վերահաստատումը կը գտնեն նոյնիսկ յաւելեալ գիտակցութեան ու հանդուրժողութեան ձեռքբերումէն ետք:

Տարտ ողոնց այս գեր-երկար նախադասութիւնը շնչասպառ կարդալէ ետք՝ ի՞նչ կը հասկնանք: Դժուար է եզրակացնել:


Ամբողջ գիրքը, իր 344 էջերով, կը շնչէ նոյն «ծանր» մթնոլորտով: Ասիկա կը թուի թէ Վազգէնին բնորոշ ոճն է, որ սակարկութեան ենթակայ չէ անշուշտ:

Եթէ հատորին 109 քրոնիկներէն ընտրութիւն մը կատարելու պարտաւորութեան տակ ըլլայինք, մենք պիտի ջոկէինք երկու յօդուած՝ էջ 107-ի «Ողբը խիղճի խայթ»-ն եւ էջ 332-ի «Հրաժարիմք»-ը: Վազգէնին ազգային ու մարդկային «հաւատամք»-ը պարզաբանող, յստակ դիտարկումներ կատարող ուշագրաւ էջեր են ասոնք:

Կը մնայ սպասել, որ մօտիկ ապագային Գանատայի մէջ լոյս տեսնէ Վ. Եթեմեզեանի գրական-գրականագիտական յօդուածներու ժողովածուն եւս (այդ մասին ակնարկութիւն կ'ընէ ներկայ հատորին նախաբանը), որպէսզի նոր վարագոյր մը բացուի մեր առջեւ ու վաղամեռիկ մտաւորականը մեր դիմաց կանգնի իր ամբողջական դիմագծութեամբ:

ՏՈՍՍ

ԵՐԻՏԱՍԱՐԴԱՆԱԼ



Անի Մինասյան

Երիտասարդացնել, երիտասարդանալ...
Մշտնջենական երազը բոլորին, թե՛ փոքրին, որպեսզի շուտով հասնի իր մուրազին, գեղեցկության երազին կամ ուրոյն անհատականության կերտումին, եւ թե՛ մեծին, որ պահէ իր տարիքը ետին ու չմնայ կեանքի շուքին:



Երիտասարդացնել, երիտասարդանալ...
Նորագոյն երազը գաղութին՝ միութիւններուն, կազմակերպութիւններուն, ուսուցչաց կազմին, նոյնի՛սկ ազգային մարմիններուն:
Բայց թե՛ ինչպէ՛ս երիտասարդացնել առանց խորքը վնասելու...
Ինչպէ՛ս երիտասարդացնել տգէտը, անուսը, անբանն ու անհասարակչուածը, կամ կրկի՛ն երիտասարդացնել ստախոսն ու ամբարտաւաւը:

Եթէ պահ մը կանգ առնելով մտածենք, թե՛ ի՞նչ է երիտասարդութեան բուն իմաստը, շատ յստակ պիտի իմանանք, որ անկկա այլ բան չէ եթէ ոչ՝ իմաստագարո՞ ծերունիին, հաւասարակչուած չափահասին, խոհեմ պատանիին եւ ամոյգ մանուկին հանրագումարը:

Յետեւաբար երիտասարդութիւնը միայն տարիքով չ'որոշուիր. իմաստութիւնը կը գոյանայ ծերունիին փորձառութիւնը, չափահասին որոշումներ գոյացնելու կարողութիւնը եւ պատանիին աշխուժութիւնը մէկտեղելուն մէջ, ստեղծելու այնպիսի համահունչ ու խաղաղ ամբողջութիւն մը, որ անպայման կը յաջողի որեւէ յանձնառութիւն հասցնել իր կատարելագործուած լրումին:

«ԳԱՆՁԱՍԱՐ»

ՊԱՇՏՈՆԱԹԵՐԹԻ ԱՆՁՆԱԿԱԶՄ

Խմբագիր՝ Զարմիկ Զիլվաբոջեան-Պողիկեան
Սրբագրիչ՝ Նուշիկ Սողոյեան-Առաքելեան
Ձեւաւորող՝ Յովսէփ Զալոյլեան
Գրաշար՝ Անի Թոփալեան-Սարուխան
Արաբերէն լուրերու թարգմանիչ՝ Մարէն Պապեան-Աղայեկեան
Կայքէջի պատասխանատու՝ Աւօ Պողոսեան
Լուրերու պատասխանատու՝ Լուսին Ապաճեան-Զիլվաբոջեան
Հաշուապահ՝ Յովիկ Պարսումեան 0957 953 811

- Ծանուցողներէն եւ աշխատակիցներէն կը խնդրուի ծանուցումներն ու յօդուածները խմբագրատուն ուղարկել ամենէն ուշը Երկուշաբթի օրերը:
- Նախընտրելի է յօդուածներն ու թղթակցութիւնները ուղարկել գրաշարուած:
- Խմբագրատուն ուղարկուած նիւթերը, հրատարակուին կամ ոչ, չեն վերադարձուիր:
- Խմբագրութեան վերապահուած է ստացուած յօդուածներու հրատարակելու կամ չհրատարակելու որոշումը:
- Ձեր ծանուցումներն ու յայտարարութիւնները կարելի է հրապարակել «Գանձասար»-ի տպագիր տարբերակին եւ կայքէջին միջոցով, կապ հաստատելով թերթիս հաշուապահին հետ:

Թուրքիոյ նուրջ

ԿԱԶՁԱՅԻ ՏՎՆԱԾԱՄԻ ՖՈՆԻՆ ԹՈՒՐԷԻԱ ԿԸ ԸՆԱՐՈՒՆԱԿԷ ԽՈՐԱՃՆԵԼ ՅԱՐԱԲԵՐՈՒԹԻՒՆՆԵՐԸ ԻՍՐԱՅԷԼԻ ՇԵՏ

Պաղեստինի Կազգայի հատուածին վրայ Իսրայելի շարունակական յարձակումներուն լոյսին տակ Թուրքիա-Իսրայել յարաբերութիւնները աւելի կը խորանան:



Ըստ «Էրմէնիշապեր»-ի թրքական ընդդիմադիր մամուլին մէջ կը շեշտուի, որ հակառակ Թուրքիոյ նախագահի մակարդակով Կազգայի հատուածին մէջ տիրող իրավիճակի ու իսրայելեան կողմի գործողութիւններու դատապարտումին, երկկողմ յարաբերութիւնները կը պահպանուին:

«Թուրքիոյ պալատներու եւ սակարաններու միութեան» (TOBB) տուեալներուն համաձայն՝ 7 Յոկտեմբեր 2023-էն՝ պաղեստինա-իսրայելեան հակամարտութեան վերջին լարումէն մինչեւ օրս Թուրքիոյ մէջ բացուած է 18 իսրայելեան դրամագլուխ ունեցող ընկերութիւն:

Իսկ ընդհանուր առմամբ ներկայիս Թուրքիոյ մէջ գործող իսրայելեան ընկերութիւններու թիւը կը հասնի 505-ի, անոնց կողմէ կատարուած ուղղակի ներդրումներու ծաւալը՝ 431 մլն. տոլարի:

ԹՈՒՐԷԻԱ ԵՒ ԱՏՐՊԷՅՃԱՆ ՊԱՇՏՊԱՆԱԿԱՆ ԱՐԴԻՆԱԲԵՐՈՒԹԵԱՆ ՈՒՈՐՏԻՆ ՄԷՋ ՆՈՐ ՊԱՅՄԱՆԱԳԻՐ ԱՏՈՐԱԳՐԱԾ ԵՆ

Թուրքիոյ նախագահի աշխատակազմի պաշտպանական արդիւնաբերութեան վարչութեան պետ Յալուք Գեորգիւն Պաքու կատարած այցելութեան ընթացքին հանդիպումներ ունեցած է Ատրպէյճանի նախագահ Իլհամ Ալիեւի, պաշտպանութեան նախարար Չաքիր Հասանովի՝ այլ բարձրաստիճան պաշտօնեաներու հետ:

Այցելութեան ընթացքին հանդիպումներ տեղի ունեցած են ռազմարդիւնաբերական շարք մը ատրպէյճանական ընկերութիւններու ներկայացուցիչներու հետ, որոնց ընթացքին ստորագրուած են համագործակցութեան պայմանագրեր:



Այս շրջագիծին մէջ թրքական պատուիրակութեան կազմին մէջ գըտնուող «MKE»-ի գլխաւոր տնօրէն Իլհամի Զելէշ եւ «Repkon Group»-ի նախագահ Իպրահիմ Զիլվեքի փոխըմբռնումի յուշագիր ստորագրած են Ատրպէյճանի ռազմական արդիւնաբերութեան շարք մը ընկերութիւններու հետ, որոնց անունները չեն հրապարակուած:

Թրքական կողմը Ատրպէյճանի ղեկավարութեան ու ատրպէյճանական ընկերութիւններուն ներկայացուցած է սեփական արտադրութեան շարք մը համակարգեր, քննարկուած են համագործակցութեան կարելիութիւնները:

ԱՐԻՈՎ ԵՒ ՖԻՏԱՆ ԲՆՆԱՐԿԱԾ ԵՆ ՅԱՐԱԿՅԻՆ ԿՈՎԿԱՍԻ ՄԷՋ ՏԻՐՈՂ ԿԱՅՈՒԹԻՒՆՆ ՈՒ «3+3» ԶԵՄՉԱԾՈՎ ՀԱՍՏԱԳՈՐԾԱԿՈՒԹԵԱՆ ԶԱՐԳԱՅՈՒՄԸ

Ռուսիոյ արտաքին գործոց նախարար Սերկէյ Լաւրով եւ Թուրքիոյ արտաքին գործոց նախարար Յաքան Ֆիտան քննարկած են երկկողմանի համագործակցութեան հարցեր եւ տարբեր մակարդակներու վրայ յառաջիկայ հարորդակցութիւններու ժամանակացոյցը: ԹԱՍՍ լրատու գործակալութիւնը կը հաղորդէ, որ այս մասին կը յիշուի նախարարներու հեռաձայնային հարորդակցութեան ետք հրապարակուած Ռուսիոյ Արտաքին գործոց նախարարութեան հաղորդագրութեան մէջ:

Կողմերը նաեւ քննարկած են Հարաւային Կովկասի մէջ տիրող կացութիւնը եւ «3+3» ձեւաչափով համագործակցութեան զարգացումը:



ՄԵԾԱՐԱՆ-Բ ԳՆԴԱՊԵՏ ԱՐԿԱՏԻ ՏՕՆՈՅԵԱՆԻՆ

Հովանավորությամբ եւ նախաձեռնությամբ ՍՕ Խաչի Շրջանային Վարչության կազմակերպուած էր գնահատանքի հաւաք մը Սուրիոյ մէջ ՀՀ Մարդասիրական Առաքելութեան Խումբի գնդապետ Արկատի Տօնոյեանին ի պատիւ, Շաբաթ, 6 Ապրիլ 2024-ի կէսօրին, ՍՕ Խաչի «Գոհարիկ Համալեան» սրահէն ներս:

ՍՕ Խաչի Շրջանային Վարչութիւնը այս հաւաքով կը միտեր մտերմիկ եւ զուարթ մթնոլորտի մէջ ողջերթ մը կազմակերպել՝ երախտագիտութիւն յայտնելու գընդապետին մարդասիրական իր աշխատանքին համար:

Յանուն ՍՕ Խաչի Շրջ. Վարչութեան հաւաքին բացումը կատարեց



ատենապետուհի Չեփիւռ Գեորգեան: Ան ողջունեց օրուան հիւրը՝ գընդապետ Արկատի Տօնոյեանը, ՀՕՄ-ի Կեդր. Վարչութեան անդամ Սիրան Ամպարճեանը, Պատկան Մարմնի ներկայացուցիչը, ինչպէս



նաեւ ՍՕԽ-Ազգ. Պատասպարակի եւ Առողջապահական յանձնախումբերու ընկերուհիները, դարմանատան տնօրէնուհին, մնայուն բժիշկը, նախկին Շրջանային վարչութեանց ատենապետները եւ գրասենեակներու պաշտօնէութիւնը:

Գեորգեան յայտնեց, որ այս հաւաքը անգամ մը եւս կու գայ տեր կանգնիլ մեր պարտականութեան եւ մեծարել իւրայատուկ նուիրումով տարիներ շարունակ Հայաստանէն մինչեւ Սուրիա դժուար սպարեզի երախտաւոր մը, որ եկած էր իր աշխատանքը կիսելու մեզի հետ եւ իր յաջողութիւնները դարձնելու մեր հպարտութիւնը:

Ան գնահատեց նաեւ մարդասիրական առաքելութեան խումբի իւրաքանչիւր անդամ, որ մասնակցութիւն բերաւ վտանգաւոր եւ սպառնիչ ակնազերծման աշխատանքին: Շնորհակալութիւն յայտնեց մարդասիրական առաքելութեան ճամբով գնդապետին բերած մեծ

ներդրումին եւ յաջողութիւն մաղթեց իր ապագայ նուաճումներուն եւ պատասխանատու աշխատանքին: Ապա ՍՕ Խաչին կողմէ յուշանուէր մը փոխանցեց յարգարժան մեծարեալին:

կանին միշտ պահելով աննախատեսելի սահմանագիծը ուրկէ անդին կը սկսեր գնդապետի պատասխանատու հանգամանքը:

ՀՀ Մարդասիրական առաքելութեան պատմականին անդրադառ-



Շրջանային Վարչութեան կազմակերպած յիշեալ միջոցառումը հրաշալի պատեհութիւն ստեղծեց ծանօթանալու վաստակաշատ գընդապետին անցած ուղիին, որ յաղթական կանգնած էր ՍՕ Խ-ի ընտա-

նալէ ետք, իր սրտի խօսքը ուղղեց Հռիփ Կանանեան, որ ներկայացուց գնդապետին կեանքին կարեւոր փուլերը եւ իւրայատուկութիւնները, մատնանշելով անոր աշխատանքին նկատառելի բարեսիրական երե-



ւնիքն առջեւ, արժեւորած ըլլալով իրեն վստահուած պարտականութիւնը, պաշտօնն ու կոչումը: Տակաւին խաչուհիները ուրախ էին, որովհետեւ հաւաքուած էին յարգանքի խօսքեր արտասանելու մարդու մը՝ որ հեղինակաւոր ներկայութեամբ քաջարի

ւնեցաւ իր տաղանդն ու աշխատանքը, պրպտող մարդու միտքը, իր նկարագիրը, որուն կ'ուղեկցէր իր քաջութիւնը, յանդուութիւնն ու պարկեշտութիւնը: Կանանեան դիտել տուաւ, որ Արկատին մեր առօրեային



եւ խիզախ անձ մը ըլլալով հանդերձ, համեստութիւնը իր խառնուածքին գլխաւոր առաքնութիւններէն մէկը ըրած էր ու անոր շնորհիւ կրցած էր հաւասարէ հաւասար խօսիլ եւ պատասպարակի փոքրիկին հետ եւ բարձրաստիճան գիտնութեա-

թարգմանը եւ յուշարարը եղաւ իր զուարթախոհութեամբ, երբ անպաճոյճ ոճով ներկայացուց իր կապուածութիւնը հայ համայնքին, յատկապէս՝ Հալեպահայութեան: Անըսպար եռանդով շարունակեց գործել շուրջ տասը տարի պատերազմա-

կան պայմաններու մէջ ապրող Հալեպի ժողովուրդին համար եւ մարդասիրական օժանդակութիւններով իր բաժինը բերաւ, զայն համարելով բարոյական պարտք հանդէպ՝ Սուրիոյ պետութեան ցուցաբերած գուրգուրանքին հայ ժողովուրդին նկատմամբ Մեծ Եղեռնէն մինչեւ այսօր:

Յաջորդաբար խօսք առին Շրջ. Վարչութեան նախկին ատենապետ Սեդա Կերկերեան եւ ՀՕՄ-ի Կեդր. Վարչութեան անդամ Սիրան Ամպարճեան: Կերկերեան շնորհաւորանքներ ուղղեց մեծարեալին՝ անոր մարդասիրական եւ համագաղութային գործին նշանակութեան, անցած ուղիին համար, յուսալով որ գնդապետը կ'արձագանգէ մեր ժողովուրդի կարեւոր ակընկալութիւններուն: Ապա Ամպարճեան մատնանշեց թէ մարդասիրական առաքելութեան խմբակները կրթողական իրենց գործով 2019-ին հիմը դրին Հայաստան-Սուրիա փոխգործակցութեան, որ շարուն-



նակուեցաւ իրենց հրաշալի գիտնութիւնն ու բժիշկներուն շնորհիւ: Անոնք յանդուօրէն կատարեցին ծափահարութեան արժանի գործեր, ձեռք բերելով գովելի նուաճումներ: Ան անելցնելով ըսաւ, որ գնդապետ Արկատին ոչ միայն հմուտ դիւանագետ մը եւ գիտնութեան մըն է, այլեւ մտաւորական պատրաստութեան տեր անձ մը, որ գովելի նուաճումներ արձանագրեց Սուրիոյ մէջ:

Մեծարեալ գնդապետը ամփոփ գիծերու մէջ բացատրեց, թէ ի՞նչ է հայ ժողովուրդին համար Սփիւռքը, երկրին հաւատարմութիւնը, Ազգ.-Պետութիւն փոխյարաբերութիւնները եւ կապերու ամրապնդումը: Աւարտին շնորհակալութիւն յայտնեց բոլոր ներկաներուն՝ խոստանալով նոր աւիւնով շարունակել իր պարտականութիւնները:

Հաւաքը մեծ հետաքրքրութիւն արթնցուց ներկաներուն մօտ, որոնք ծափողջոյններով գնահատեցին թափուած քրտիկը եւ կատարուած պատասխանատու աշխատանքը այն մարդուն, որ գիտցաւ քայլ պահել ժամանակին հետ եւ յաղթահարել խղճնորտները, հաւատալով թէ մեր ժողովուրդին դէսպանն է Արկատին հայ ըլլալու վարկով:


Յարգենք մեր բոլոր նուիրեալները, որպէսզի բեղմնաւորուի մեր գործունեութեան անդաստանը:

**ՍՕ Խաչի
Շրջանային Վարչութիւն**

ԻՆՉ Կ'ԸՍԵՆ ԱՍՏՂԵՐԸ

- Խոյ**
Շաբաթը լի է հաճելի անակրկալներով: Հեռաւոր երկրէն լուր մը պիտի ստանաք եւ ուրախանաք:
- Ցուլ**
Գործնական կեանքի մէջ խոչընդոտներու պիտի հանդիպիք: Բարեկամներ պիտի օգնեն ձեզի: Մի՛ մտահոգուիք:
- Երկուորեակ**
Ձեր ընկերներուն ապրելակերպով մտահոգուած էք: Դուք ձեր սեփական գործերով զբաղեցէ՛ք:
- Խեցգետին**
Մանր-մունր հարցեր պիտի ծագին ձեր անձնական կեանքին մէջ: Քաջասիրտ եղէ՛ք: Ձեր շուրջիններուն վստահութիւնը ներշնչեցէ՛ք:
- Առիծ**
Գաղտնապահ եղէ՛ք եւ ձեր հարցերը առանձին քննարկեցէ՛ք: Մարդիկ ձեր աջակցութիւնը պիտի վայելեն:
- Կոյս**
Ձեր ծրագիրները իրականացնելու համար լաւ մտածեցէ՛ք: Ժրջան աշխատանքէ ետք վերջապէս պիտի յաջողիք:
- Կշիռք**
Գործերու դժուարութիւններ միշտ ալ կան: Ձեր յամառ աշխատանքին շնորհիւ պիտի յաղթահարէք զանոնք եւ գնահատուիք:
- Կարիճ**
Գարնան այս գեղեցիկ եղանակին պտոյտ մը պիտի կազմակերպէք ձեր սիրելիներուն հետ: Աշխատավարձի յաւելում մը պիտի ստանաք շուտով:
- Աղեղնաւոր**
Հաճելի անակրկալներ պիտի կազմակերպէք ձեր ընկերներուն համար: Հեռաւոր երկրէն նիւթական նուէր մը պիտի ստանաք:
- Այծեղջիւր**
Այս շաբաթ պիտի հանդիպիք անծանօթ մարդու մը, որ ձեր անձնական գործերուն մէջ ձեզի պիտի օգնէ: Քաջալերուեցէ՛ք:
- Ձրիս**
Ձեր ծնողները ձեր օգնութեան կարիքը ունին: Հոգ տարէ՛ք անոնց: Ձանք մի՛ խնայէք ձեր շուրջինները ուրախացնելու:
- Ձուկ**
Ձեր նիւթական վիճակը պիտի բարելաւուի: Ձեր ամբողջ ուշադրութիւնը կեդրոնացուցէ՛ք ձեր ծրագիրներու իրականացման վրայ:

ԽՄՃԱՆԿԱՐ



Սոնա Տէր Պողոսեան-Տարաքճեան

ԻՆՉ ԿԸ ԹԵԼԱԴԴՐԷ ՆՈՐԱԶԵԻՈՒԹԻՒՆԸ

Այս տարի ներքնագգեստի ոճով հագուստներ կը շարունակեն գերել նորածեւութեան սիրահարները:

Ոճաբաններ իրենց հաւաքածոներուն մէջ կարելորութիւն կու տան առաւելաբար կարճ վերնաշապիկներու, թափանցիկ կիսաշրջագգեստներու, որոնց տակ հաստ կտորով ներքնագգեստներու, ինչպէս նաեւ փայլիլուն ուլունքներով զարդարուած երեկոյեան գգեստներու, եւ մետաքսէ գազակներու: Այսպիսի ոճեր, սակայն, դժուար թէ յարմարին մեր ապրած միջավայրին:



Դժուար է պատկերացնել կնոջ գգեստներու պահարանը առանց կաշիէ հագուստի: Մեզմէ գրեթէ իւրաքանչիւրը ունի կաշիով պատրաստուած տաբատ, կիսաշրջագգեստ, բաճկոն կամ թիկնոց: Կաշին մեզի կու տայ ինքնավստահութիւն, ուստի կը շարունակէ մեծ տեղ գրաւել գարուն-ամառ 2024-ի նորածեւութեան մէջ:

Այս տարի նորոյթ են նաեւ մետաղի գոյնով հագուստներ, շրջագգեստներ, շողշողացող ուլունքներով զարդարուած կիսաշրջագգեստներ, փայլուն կօշիկներ եւ խոշոր զարդեր:

Այս եղանակին համար ձեր գգեստներու պահարանը հարստացուցէ՛ք նաեւ դասական սպիտակ եւ երկար մոխրագոյն գուլպաներով:

Բնականաբար գարունը եւ ամառը առանց ճիւղի կարելի չէ պատկերացնել, ոճաբաններ կը ներկայացնեն ճիւղ կտորով տաբատներ, պայուսակներ, շրջագգեստներ եւ ամառնային գլխարկներ:

Այս ամառն տիրող գոյները շաքարագոյնի երանգներն են:

Ոճաբաններ ընդհանրապէս նախապատուութիւն տուած են կնոջ կազմուածքը ընդգծող հագուստներու, ընտրելով շաքարագոյնի երանգները:

Փարիզի մէջ կը շարունակուի ամառնային նորածեւութեան շաքար: 43-ամեայ հայուհի Զիմ Բարտաշեան ներկայ եղած է Maison Margiela նորածեւութեան տան ցուցադրութեան եւ հագած է սեւ, ներ հագուստ մը, որ ընդգրկած է մարմինի կազմուածքը՝ գրաւելով բոլորին ուշադրութիւնը:

Յայտնի ոճաբան Միքայելա Էրլանքրի կարծիքով, այս եղանակին պիտի օգտագործուին առաւելաբար փայլուն գգեստներ, փայլուն իրեր

եւ բարձրակրունկ կօշիկներ:

Այս ամառ եւս նորոյթ կը համարուին թափանցիկ կօշիկները:

Յատկապէս նորոյթ են թափանցիկ կրունկներով կօշիկները: Իսկ փոքր պայուսակները ընդգծելի են 2024-ի գարուն-ամառ հաւաքածոյին մէջ: Նիւ Եորքի նորածեւութեան շաքարուան ընթացքին, լաւագոյն պայուսակները ճերմակ, վարդագոյն, արծաթագոյն եւ դեղին պայուսակները համարուած են:



2024-ի նորոյթ գոյնը Նարնջագոյնն է (Apricot Crush): Ունի իւրայատուկ հմայք, որ կը յիշեցնէ ամառնային արեւոտ, տաք օրերը: Նարնջագոյնի պայծառ երանգն ու թարմութիւնը շատերուն ուժ եւ եռանդ կը հաղորդեն եւ դրական տրամադրութիւն կը ստեղծեն:

Նորածեւութեան հետեւորդները անդրադարձած են նաեւ դիմայարդարման նախընտրութիւններուն: Դեղձի երանգներով դիմայարդարումը ամենէն ընդհանրացածն է այս ամառ: Ընդհանրապէս թեթեւ քսուկներ, ինչպէս նաեւ բաց գոյնի երանգներ (pастel) պետք է օգտագործել:



Ինչ կը վերաբերի 2024-ի ամառն արեւէն պաշտպանուելու ակնոցներուն, ոճաբաններ կը թելադրեն իւրաքանչիւր անձի ընտրել իր դեմքին համապատասխան ակնոց: Լայն շրջանակներով ակնոցները չեն յարմարիր փոքր դեմք ունեցողներուն, եւ հակառակը՝ ներ շրջանակներով ակնոցները անյարմար տեսք մը կու տան երկար կամ լայն դեմք ունեցողներուն:

Նորածեւութիւնը կրնայ բազում առաջարկներ ու մտայղացումներ հրամցնել ձեզի, ուստի ընտրեցէ՛ք յարմարագոյնը թէ՛ վայելուչ մնալու, թէ՛ խնայողութեամբ ծախսելու ներկայ տնտեսական ծանր պայմաններուն մէջ:



Ռաֆֆի Սիկանյան

ՏԵՂԱԿԱՆ

ԼՈՒՐԵՐ ՍՈՒՐԻՈՅ ՄԱՐԶԱԿԱՆ ԿԵԱՆՔԵՆ

-Սուրիոյ ֆուտբոլի Ա. դասակարգի ախոյեանութեան մրցումներուն, Յալէպի Ահլիին 5 - 0 արդիւնքով յաջողեցաւ պարտութեան մատնել Ճէշիին, իսկ Լաթաքիոյ Թըշրիինը 2 - 1 արդիւնքով յաղթեց Ուահտէին: Յալէպի Յուրիէն շարունակելով իր ձախող արդիւնքները 5 - 0 արդիւնքով զիջեցաւ Ճապլէին եւ փոխանցուեցաւ Բ. դասակարգ:



-Վերջին պարտութիւնը արձանագրելէ ետք, Դամասկոսի Ճէշ խումբի մարզիչ Յուսէյն Աֆաշ հրաժարեցաւ իր պաշտօնէն, ինչպէս նաեւ Լաթաքիոյ Յըթթին խումբի վարչութիւնը պաշտօնազուրկ ըրաւ խումբի մարզիչը:

ՄԻՋԱԶԳԱՅԻՆ

ԱԹԼԵԹԻՔՈՒ ՊԻԼՊՈՒՆ ՆՈՒՄԵՅ ՍՊԱՆԻՈՅ ԳԱՄԹԸ

Սպանիոյ Սելիլիա նահանգին մէջ տեղի ունեցաւ Սպանիոյ թագաւորական բաժակի աւարտական մրցումը, որուն աւարտին Աթլէթիքո Պիլպաուն յաջողեցաւ նուաճել տիտղոսը եւ ձեռք ձգել Սպանիոյ թագաւորական բաժակը:



Աթլէթիքո Պիլպաուն եւ Ռէալ Մալորքա խումբերուն հանդիպումի հիմնական ժամանակը աւարտեցաւ 1 - 1 հաւասարութեամբ, որմէ ետք խումբերը խաղցան յաւելեալ կէս ժամ, որուն աւարտին դարձեալ շարունակուեցաւ հաւասար արդիւնքը: Չոյզ խումբերը հեռաւոր 11 մետրի հարուածներու փուլ անցնելով Աթլէթիքոն յաջողեցաւ 4 - 2 արդիւնքով պարտութեան մատնել մրցակիցը եւ տիրանալ ախոյեանութեան: Աւելցնենք, որ Աթլէթիքո Պիլպաուն վերջին տիտղոսին արժանացած է 25 տարի առաջ՝ 1984 թուականին:

ԹՈՄԱՍ ՄԻԼԸՐ ԽԱՂՏԱՒ ԻՐ 700-ՐԴ ՄՐՑՈՒՄԸ

Գերմանիոյ հաւաքականի եւ Պայերն Միւնխի խումբի 34-ամեայ յարձակողական խաղող Թոմաս Միլլըր խաղցաւ իր մարզական կէտանքի 700-րդ մրցումը: Ան ինը հանդիպումէ ետք, յաջողեցաւ արձանագրել նոր թուանիշ մը, որ մինչ այսօր վերապահուած է դարպասապահ Չէպ Մայերնի 709-րդ մրցումին: Աւելցնենք, որ Պոստելիկայի 28-րդ փուլի մրցումներուն, Պայերն Միւնխին 3 - 2 արդիւնքով պարտուեցաւ Յայտենհամեն եւ 60 կէտով մնաց ազիւսակի երկրորդ դիրքին վրայ: Թոմաս Միլլըր Պալարիոյի խումբին մաս կը կազմէ 2000 թուականէն ի վեր:



ԽԱԶԲԱՌ (ՄԽ 483)

Պատրաստեց՝ Մարինա ԶիլԱբօշեան-Պօղիկեան

	1	2	3	4	5	6	7	8	9	10	11	12
1											■	
2				■	■	■					■	
3						■						
4						■	■					
5	■			■							■	
6						■	■					
7												
8		■	■	■				■	■			
9	■				■				■			
10									■	■	■	■
11					■	■						
12							■	■				

Հորիզոնական

- 1- Դանիէլ Վարուժանի բանաստեղծութիւններէն:
- 2- Անվերջնատառ՝ նշենիի պտուղ: Ձայնանիշ:
- 3- Թռչող աստղ: Պատշաճ:
- 4- Տանջել: Դժգոհութիւն:
- 5- Շաղկապ: Հայկական լեռնաշխարհի ամենամեծ լիճը:
- 6- Պինդ, ուժգին: Հակառակ՝ վատ:
- 7- Հարազատ:
- 8- Կողմ մը: Հակառակ՝ ամուսինին քոյրը հարսին նկատմամբ: Լարային մեծ նուագարան:
- 9- Եւս: Հակառակ՝ աղէկ: Հակառակ՝ տօթ:
- 10- Փարսի: Լեցուն:
- 11- Մեղմ ու անուշ հով: Յագենալ:
- 12- Կողով: Թուր:

Ուղղահայեաց

- 1- Ս. Գրիգոր Լուսաւորիչի հայրը: Հիմա: Նման:
- 2- Հետեւեալ խօսքին հեղինակը. «Այնքան շատ գործով տարուեցինք, որ խօսիլն իսկ մոռցանք»: Արական անուն:
- 3- Հակառակ՝ հայկական ժողովրդական նուագարան: Հանելուկային պատմուածք:
- 4- Հակառակ՝ շաղկապ: 7400: Իգական անուն:
- 5- Ոլորելով փաթաթել:
- 6- Իրերայաջորդ տառեր: Վիշտ:
- 7- Հակառակ՝ 5003: Եւրոպական երկիր:
- 8- Դանդաղ: Իգական անուն:
- 9- Գիւղ Արեւմտեան Հայաստանի մէջ, Վանի վիլայեթի Աղբակ գաւառին մէջ: Կրկնուած բաղաձայններ:
- 10- Շատախօսութիւն: Տարածքի միաւոր:
- 11- Երկբարբառ: Կրկնուած ձայնաւորներ: Ձայնանիշ:
- 12- Արցախի շրջաններէն:

ԽԱԶԲԱՌ (ՄԽ 482)

	1	2	3	4	5	6	7	8	9	10	11	12
1	գ	ր	ի	զ	ն	ր	զ	օ	հ	ր	ա	պ
2	ի	ա	ր	դ		ա	ա	ա		ա		
3	■	■	■	է	ի	յ	ն	ր	դ		ի	
4	ս	ա	կ	■	■	■	■	■	■	■	■	■
5	պ	ս	ա	կ	■	■	■	■	■	■	■	■
6	ի	ա	■	■	■	■	■	■	■	■	■	■
7	ա	կ	■	■	■	■	■	■	■	■	■	■
8	■	■	■	■	■	■	■	■	■	■	■	■
9	ա	ր	տ	ի	■	■	■	■	■	■	■	■
10	լ	դ	■	■	■	■	■	■	■	■	■	■
11	■	■	■	■	■	■	■	■	■	■	■	■
12	մ	ա	■	■	■	■	■	■	■	■	■	■

ԼՈՒՐԵՐ

Երևուեցւոր 15/4



12° 27°

Երեքեցւոր 16/4



12° 29°

Չորեքեցւոր 17/4



14° 30°

Հինգեցւոր 18/4



14° 29°

Ուրբաթ 19/4



13° 27°

Շաբաթ 20/4



13° 27°

Կիրակի 21/4



8° 24°

ԲԵՐԻՈՅ ՆԱՅՈՑ...

Սկզբը՝ էջ 1

հայրտուրիսն ու ուրախությունը այն հիանալի է...

Ատենապետը նշեց, թե այսօրուան առիթը...

Ան յաջողություն է արդիւնաշատ գործու-

Ազգ. Վարչության ատենադպրոցի երկրչի...

Ան յայտնեց, թե Հայկաի մեջ մարդասիրա-

Ան յիշեց, թե 6 Փետրուար 2023-ին Հայկալը...

Այսուհետեւ, Հոգ. Ս. Արմէն Աբղ. Գալաճեան...

Ապա, Գերշ. Ս. Մակար Ս. Արք. Ազգարեանի...

Պարոն գնդապետը խօսք առնելով իր շնոր-

Սրբազան հայրը խօսք առնելով շնորհակա-

Սրբազան հայրը մեծագոյն պատիւը համար-

Ան ըսաւ, որ այն ինչ որ հայրենի ղեկավա-

դապետին համար, վստահօրէն շատ աւելի ան-

Սրբազան հայրը յայտնեց, թե իր առաջնոր-

Սրբազան Հայրը աղօթեց, որ Ամենակալը իր

ԻՅԹԱՐԻ ՆՐԱԷՐ...

Սկզբը՝ էջ 1

եւ ծոմապահութեամբ կը դիմեն Աստուծոյ, խնդ-

Ան դիտել տուաւ, որ ողջ աշխարհը, յատ-

Սրբազան հայրը գնահատեց արդարութեան

Սրբազան հայրը լրագրողներուն աշխա-

Սրբազան հայրը շնորհաւորեց լրագրողնե-

Ստերմիկ հանդիպումը առիթ հանդիսացաւ

Հայկաի պետական ձայնասփիւռի եւ պատ-

Սրբազան հայրը արտացոլացուցին: Ան շնորհա-

ԻՖթարին ներկայ գտնուեցան նաեւ Հայկաի

ԼԱԹԱՔԻՈՅ ՆԱՅ...

Սկզբը՝ էջ 1

ցախ» մասնաճիւղի դաստիարակներ, ՀԲԸՄ-ի

Հանդիպումին ներկայ գտնուեցան նաեւ հո-

Նապետն ու անդամները:

Ս. Աստուածածին եկեղեցւոյ Թաղական հոր-

Լաթաքիոյ եւ ծովափնեայ շրջանի հոգեւոր

Սուրբոյ հորհրդարանի երեսփոխան եւ Ազգ.

ՀԲԸՄ-ի վարչութեան ատենապետ բժշկ. Նի-

Յարաբերական յանձնախումբի անդամ Յա-

Ազգ. Սրբոց Նահատակաց վարժարանի

Սրբազան Հայրը ողջունելով լաթաքիահա-

Սրբազան հայրը երախտագիտութիւն յայտ-

Սրբազան հայրը աղօթք բարձրացուց առ